

8-25



LUCERNAE
FICTILES
MUSEI
PASSERII.
VOLUMEN SECUNDUM.



Le-Bapt. Passerius del.

V.F.S.

SUMTIBUS
ACADEMIAE PISAURENSIS.

PISAURI; M. DCC. XLIII.
IN AEDIBUS GAVELLIIS
SUPERIORUM PERMISSU.




10

1000

1000

1000



1. 1/2 m. larg. del.

V. 2. m. larg.

F R I D E R I C O
LANTIO DE RÜVERE V. P.
 ARCHIEPISCOPO PETRENSI
 METAURENSIS PROVINCIAE
 PRAESIDI

ACADEMIA DISAURENSIS.



1 m. 2.

1/2 m.

Erte serius quam oportuit, quamque in votis erat, prodit Academiae nostrae sumtibus Lucernarum Musei Passerii volumen al-

terum. Etenim egregia Tua in nos , at-
que universam rempublicam merita postu-
larent , ut quotannis ferme singula volu-
mina propterea edenda essent , ut si quan-
tam debemus referre neutiquam possumus,
habere tamen gratiam TIBI nos quantam
maximam animi nostri capere queunt , an-
nuo hoc testimonio profiteremur. Verum
non eadem in nobis facultas hoc , quantu-
luncumque est , observantiae nostrae argu-
mentum exhibendi , quae TIBI prompta
& expedita fuit maxima quaeque nobis
praestandi. Artificum solitae morae, Ty-
pographi onera , quibus pridem se obliga-
verat , novum sacri juris dicundi munus ,
quo Passerius ipse auctus est : omnia deni-
que


que simul conspirare visa sunt , ut voluminis editio differretur quotidie , ac procrastinaretur . Contra quantus TIBI , & quam praeclarus datus est campus , in quo singularis tua , atque eximia virtus excurrere , libereque spatium posset ? Longum profecto esset , & fortasse non necessarium , TIBI certe , quae tua moderatio est , grave & molestum , commemorare laetos , uberrimosque fructus , quos ex Tuis laboribus , vigiliisque percepimus . Enimvero quis est adeo hujus Urbis hospes , adeo Italicarum rerum ignarus , ut nesciat , difficillimo tempore non solum Pisaurensem , sed & totius Metaurensis Provinciae rempublicam Tua potissimum providentia stetit

tisse ? Pervulgata enim res est , atque
omnium sermone celebrata , TE splendi-
dissimorum Ordinum animos repentino tan-
tarum copiarum adventu perculsos , atque
abjectos auctoritate & exemplo confirmas-
se , atque erexisse ; in summa pabuli ino-
pia , ea Pisaurensis agri conditio est ,
magno equitatui , maximisque sarcinario-
rum jumentorum gregibus , supportato undi-
que commeatu , sapienter prospexisse ; an-
nonam ob assiduas sterilitates solito cario-
rem , magna frumenti vi ex Piceno rei-
publicae sumtibus adveſta , ita tua vigilan-
tia levasse , ut nemo eam ob causſam du-
plicatum fuiſſe populi numerum intellige-
ret : TE denique in omnia intentum , om-
nia

*nia praecaventem populos fidei Tuae com-
missos virtute, assiduitate, consilio sum-
mis periculis liberaſſe. Quid vero? an-
ne minus nota cenſenda ſunt, quae geſſiſti,
antequam bellici apparatus honeſtum Italiae
otium perturbarent? TU ex aere multati-
cio Viatorum commodo conſulens ad S. Clau-
dii rivum, qua Faneſter Piſaurenſi a-
gro adjungitur, pontem in uſum curſus
publici exſtrui, alterum item pontem ad
Aſſium vetuſtate corruptum, miſerorumque
agricolarum mortibus infamem reſtitui, a-
ptarique juſſiſti. TU ex eodem aere Metau-
renſium Principum Regiam abhinc annos
centum pene neglectam in priſtinam faciem
tam ſtudioſe diligenterque revocaſti, ut ſi*
FRAN.

FRANCISCUS MARIA I. aut GUIDO UBALDUS II. reviviscerent, vel ex hoc uno intelligerent RUVEREUM adhuc genus durare, TIBIque una cum sanguine augustae illorum sedis caritatem pene hereditario jure obvenisse; quod quidem, ut maxime advenarum, peregrinorumque obtutibus patet, ita potissimum Pisaurensi Urbi decus maximum affert, atque ornamentum. Tantis igitur in nos benefactis, ut primum vires nostrae passae sunt, quam possumus, vicem referimus, Tuoque Nomine hoc etiam Secundum Filitium Lucernarum Volumen inscribimus; in quo si quid erit, quod eruditorum hominum opinioni respondeat, id illi a TE tamquam
bona-

bonarum artium tutela & praesidio pro-
fectum esse cognoscant. Vale.



b

AD-

A D D I T I O
A D C A T A L O G U M E O R U M ,
Q U I S O C I E T A T I N O M E N
D E D E R U N T .

- D. Joseph Maria Martellius Archiepiscopus Florentinus.*
D. Laurentius Bargiacchius Florentinus.
D. Jo: Baptista Pasqualius pro Gallo.
D. Eques Hierosolymitanus.
D. Jo: Antonius Vulpus in Patavino Athenaeo eloquentiae professor.
D. Alexander Mantegazzius Ecclesiae S. Michaelis Placentiae Praepositus, Illūi & Excellēi Praefidis Provinciae Metaurensis a Consiliis.



J. Hering del.

V.F. del.

JOANNIS BAPTISTAE PASSERII J. C. PRAEFATIO.



In hoc Lucernarum del. per. in. v. p. V.F.

UAE de Lucernarum origine, atque usu scitu jucunda, aut necessaria censuimus superiori volumine praefati sumus. Sed quum plura post illius editionem aut addenda, aut corrigenda esse cognoverimus, praestat nunc ea praefationis loco hic adtexere, indicatis Tomi I. locis, quibus referenda sunt.

AD PROLEGOMENA.

Pag. V. post lineam 10.
Verum, quod mihi in votis olim fuerat, tandem hoc
b 2 an-

2
 anno 1742. Lucernam Etruscam collectioni meae adjungere datum est. Nuper enim in agro Tuderte Etruscum monumentum detectum est, in quo praeter Etrusca quaedam numismata, & cornu potorium, quod in *Acherontico* mzo descripsi, atque illustravi, pluraque alia vasa fictilia ejusdem plane, quo cetera Etrusca, opificii, ex argilla nempe subrubra, nigro encausto obducta, Lucerna etiam ejusdem materiae atque operis inventa est. Ea profecto Romanas omnes Lucernas quotquot viderim antiquitate antecellit; non enim typo, ut Romanae postea, excusa est, sed currente rota ducta; eademque argillae pars, quae in craterem sinuata fuerat, compresso pollice conclusa est; inde integri operis venter prodit, aptato dumtaxat naso, atque manubrio. Propterea illam incidi in aes curavimus, rati haud ingratum fore iis, qui Etrusca monumenta amant, primam ejus gentis Lucernam conspiciere. *Tab. Praef. n. 1.*

Pag. VIII. lin. 33.


Quibus respondent ceriolaria, ut veteris Inscriptionis verbo utar, quae descripsit Lucretius Lib. II. v. 24.

*Si non aurea sunt juvenum simulacra per aedes,
 Lampades igniferas manibus retinentia dextris,
 Lumina nocturnis epulis ut suppeditentur.*

Pag. IX. lin. 25.

Alterum fictilis laternae operculum, perforatum, ut aer permearet, fumoque foedatum nuper Roma ad me missum est; ejus etiam imaginem damus *ead. tab. n. 11.* Fictili laternae in villa Cavaleria erutae, atque a Bartolo vulgatae *Sepol. Ant. tab. xxiv.* non parum lucis operculum nostrum afferet.

Inter Lucernarum accessoria candelabrum dumtaxat memoravimus; verum tripodes etiam inter illa accensendos esse docuit nos Lucerna, quae plumbeo tripodi imposita hoc eodem anno 1742. in agro Firmano reperta est. Tripodem ab amico mihi cum Lucerna dono datum excudendum curavi *ead. tab. n. 111.*, ne quid in hac re praeter-



ceriniſſum eſſe videretur ad Lucernariae rei cognitionem.³
Candelabri vicem humilis tripus praestabat, ut sepulchralis
ignis religio ferculi dignitate quoquo modo attolleretur,
neque humentem terram vividum illud, ac caeleste ele-
mentum contingeret. An vero univerſorum Picentium com-
mune id institutum fuerit, viderint Eruditi Viri, quo-
rum studio florentissima illa provincia nobilitatur.

Pag. XV. lin. 10.

*Deleatur Plinii textus, atque ita restituatur locus. Praeter
fictiles Lucernas, marmoreas etiam in usu fuisse dicendum
erit; si quae in nonnullis Museis ostenduntur antiquae
sunt; neque enim satis fidendum puto illis, quas Li-
cetus vulgavit, neque item alteri marmoreae a P. Scar-
fo productae in suis Opusc. Erud. Marmoreum tamen can-
delabrum, semipedale, in columelle modum excisum, cu-
jus terna latera tribus variis Dianae aspectibus excultum
est, edito jam I. Lucernarum Tomo Museo nostro accessit.*

Pag. XVII. lin. 29.

*Deleantur verba, dictum etiam Lychnitem &c. cum dua-
bus lineis sequentibus.*

Pag. ead. lin. 33.

Deleantur verba λυχνίτην ὀνομα.

Pag. XXIII. lin. 31.

*Post verba, semperque sacrum adde. Quod etiam indi-
cavit Plutarchus Quaest. Roman. LXXIV. Cur lychnum non ex-
tinguebant, sed per se languescere & deficere permittebant?
an quasi inextinguibilis illius ignis, & immortalis cognatum,
& affinem colentes?*

A D N O T A S.

Pag. III. lin. 5.

*Adde. Lucianus Dialogo de Sacrif. At si quis pauper bis
(vi-*

(victimis) ita Deo litat, ut dexteram dumtaxat suam exosculetur. Qui quidem adorandi mos antiquissimus, & Moysi ipsi coevus existimandus est, quum inter hominum stultitias & impietates recensetur, *Job. xxxi. 26. Si vidi solem quum fulgeret, & Lunam incedentem clare, & laetatum est in abscondito cor meum, & osculatus sum manum meam ore meo, quae est iniquitas maxima, & negatio contra Deum altissimum.*

Pag. 4. lin. 32.

Neque vero in sacris Cybeles tantum duas aras appositas fuisse existimandum est; sed & in aliorum etiam quorundam Deorum; hinc Virgilius *eclog. v.*

..... en quatuor aras,

Ecce duas tibi, Dapbni, duoque altaria Phoebos.

& Plutarchus *Quaest. Rom. 59. Quare quum duae sint arae Herculis, mulieres nihil gustant de bis, quae in earum altera immolantur?*

Pag. 9. lin. 18.

Adde. Profecto ad illud singulare cimelium illustrandum conferre maxime videtur Symmachi locus *Lib. x. Epist. 35.* firenas Imperatoribus mitti solitas memorans: merito *Vobis solemnes pateras cum quinis solidis, ut Numinibus integritatis, offerimus:*

Pag. 10. lin. 1.

Post iterare adde. Quod etiam plurimis Lucernis nuper Roma ad me delatis confirmari potest; in his enim recurrunt frequenter iidem typi, variata tamen Lucernae forma, & ornamentis, &, quod notandum magis est, figlinae subscriptione.

Pag. ead. lin. 8.

Post continentur adde. Eadem fausta precatio non infrequenter in hisce sigillis, quae eo tempore vicissim inter amicos missitari solebant, invenitur. Audiendus Fabretus *inscr. Dom. cap. vii. n. 5.*

AN-

ANNV
NOVVM
FAVSTV
FELICE
TIR

In Lucernae, vel calicis fidei fundo hanc precationem inveneram, cum & aliam in simili orbiculo, totidemque versibus

ANNVM NOVVM FAVSTVM
FELICEM MIHIC

ex suo Museo ostendit V. Cl. Philippus Bonarrotius; unde non fortuito, sed veluti ex more talia munuscula bene ominata vel Saturnalibus, vel strenae loco ineunte anno praeparari conjecimus. Huc usque Fabrettus. Alium item superioribus haud absimilem orbiculum in Museo olim Cl. Gervasonii observavit saepius Cl. Oliverius meus.

Pag. 11. lin. 5.

Adde. Lauri praeterea folia inter bellaria habita fuisse docet Callias, sive Diocles in Cyclopius apud Athenaeum Lib. 1v. p. m. 140. inde docemur ne minutiora quidem harum Lucernarum emblemata absque ratione irrepsisse. Sed rem omnem penitus illustrat Symmachus in paulo ante laudata epist. 35. lib. x. Ab exortu pene Urbis Martiae strenarum usus adolevit auctoritate Tatii Regis, qui verbenas felicitis arboris ex luco Strenuae anni novi auspices primus accepit. Nomen indicio est viris strenuis haec convenire ad virtutem.

Pag. 18. lin. 19.

Deleantur verba Matris enim nomen minime &c. cum duabus sequentibus lineis. Nam etiam Dianam Matrem dictam vidi postea apud Giraldum Syntag. Deor. p. m. 333. & apud Boxhornium ad quaeft. lxxiii. Plutarchi.

Pag. 18. post lin. 31.

Quam vero supra firmavimus inter duas Vestas distinctionem

nem, vix putabam evidenti antiquo aliquo testimonio firmari posse, ac propterea ex pluribus Scriptorum locis colligere illam adnisi sum, sed Fratrum Arvalium fragmenta quaedam a Turrio vulgata *Ant. Antii.* ita rem in aperto ponunt, ut de industria inscripta fuisse videri possint. In illis enim recitatis plurium Deorum nominibus, quibus victimae voventur, additur VESTAE OVES II. VESTAE MATRI OVES II.

Pag. 20. lin. 1.

Adde post adscribendam duximus; nam praeter quam quod ipsa Deorum omnium prima esset, ut Virgilius docet Aen. VII.

..... *Geniumque loci, primamque Deorum Tellurem*


virtutes etiam illorum omnium &c.

Pag. 21.

In principio notae adde. Septem Planetarum capita uni navigio imposita praeunte Saturno vulgavit ex veteri gemma Montefalconius Supplem. Ant. Tom. 1. tab. 13. n. 1. in quo quidem emblemate jure merito Saturno principatus tribuitur; ejus enim sphoera, ut notat Macrobius in Somn. Scip. Lib. 1. c. 19. ex septem, quae caelum ambiunt, prima est. In hac vero Lucerna septem Planetarum capita &c.

Pag. 23. lin. 28.

Post appellantur adde. Inversis item literis aliud sigillum figulinae Pifaurenſis in minimo laterculo, ex his, quibus pavimentorum spinæ conficiebantur, nuperrime ad me delatum est; cujus imaginem hic damus.



Officina nempe VALERIA SECVnda; erat enim in agro Pifaurenſi altera Valeriorum officina operis doliaris majoris
ex

vij
ex qua ingentes ollae prodibant, ac ubique obviae tegulae his literis inscriptae: VALERIAE MAGNAE ERIDIAN. His respondent duo alia figlinarum sigilla literis inverso ordine scriptis apud Fabretum *Inscr. Cap. vii. n. 8. & 159.*

Pag. 33. lin. 25.

Post rapraesentari existimo adde. Atque ipsam Jovis Victoris imaginem, qui pecularia sacra, templumque hoc cognomine obtinuit. Ovidius *Fastor. iv.*

Occupat Apriles idus cognomine Victor

Juppiter, hac illi sunt data templa die.

Quod anno Urbis COLI. factum est Fabio Cos; ut tradit Livius. Hujus autem in Lucernis vulgaris typi frequentia monet nos hanc Jovis imaginem peculiari veneratione cultam fuisse; inde suspicamur has Lucernas ad Victoris Jovis festa celebranda intervissse.

Pag. 43. post lin. 26.

Neque vero, quo minus Diis Inferis in ea Lucerna sacrificium exhiberi existimemus, facit Sacerdos Gabino ritu cinctus; nam, nisi valde fallor, ibi repraesentatur Imperator, qui memoriae aeternae Patris, vel Praecessoris fuit inter Divos relati sacra facit; quibus in sacrificiis Gabinum cinctum adhibitum fuisse solide demonstrat Norisius *Cenot. Pis. dif. 111.* Atque ita aedificium, quod pone tibicinem visitur, sepulcrum, sive mavis templum defuncti Principis credi poterit. Accedit insuper, ut in hoc sacrificii typo inferias agnoscamus, quod juvencorum matatorum jugulum inferne conversum est; in Deorum enim caelestium sacris victimas ita procumbere religio postulabat, ut vulnera illarum Caelo obversa essent.

Pag. 47. post lin. 13.

Observanda praecipue est forma stolae, quae peculiari quodam, neque obvio ritu demissa est. Similem prorsus vestem Tellus Dea habet in anaglypho apud Fabretum *ad Tabul. Iliac.*

Pag. 53. post lin. 21.

Verum aliam etiam ob causam a Virgilio in Inferni aditu monstra illa posita fuisse existimandum est; immortali enim anima praedita ea crediderunt Veteres, quae, monstro interfecto, ad inferos migraret. Inde Theocritus in *Herc. Leonis*. Nemeaei Leonis ab Hercule occisi animam illuc concessisse scribit: *Animam autem ingentem excepit Infernus*.

Pag. 57. post lin. 3.

Palladis ortum admirabundus spectat juvenis, bipenni reclinatae, qua Jovis caput novo sane obstetricandi modo disjecerat, incumbens. Id officium praestitisse Jovi Mercurium putant Eruditi, quos inter Cl. Bonarotius *Dissert. in Dempst.* §. 2. Magis tamen arridet mihi illorum sententia, qui partes has Vulcano adscribunt. Pindarus *Olymp. od. 7.*

*Quando Vulcani arte
Ex aere ducta bipenni
Minerva vertice ex supremo Patris
Profiliens vociferata est,
Ingenti clamore*

Caelum autem borruit ipsa & Terra parens.

Apollodorus *Bibl. lib. 1.* Ubi vero pariendi tempus advenit, Prometheus, sive, ut alii tradunt, Vulcanus, ejus caput securi percussit, deque illius vertice secus Tritonem amnem armata Pallas exilivit.

Pag. 57. lin. 13.

Potuit etiam alia de causa exprimi Triton in Palladis galea; quum enim in Gigantomachia primas illa egisset, inque eo praelio Triton buccinam inflans, immanemque sonum edens Gigantes immanem aliquam belluam ratos fugasset, atque ita facilem Diis victoriam parasset, recte potissimum tantae Victoriae adjumentum Palladis capiti impositum fuit. Quod etiam in causa fuit cur Jovi Triton jungeretur.

Pag.

Pag. 61. lin. 36.

Pausaniae aetate quaedam ex antiquissimis illis simulacris adhuc supererant in *Arcad.* In colle *Neptuni templum cum quadrato signo.*

Pag. 68. in pr.

Cupidinem, abjecto arcu & sagittis, liram tenentem describit Pausanias in *Corinth.* Eundem typum in hac Lucerna recurrere existimabunt ii fortasse, qui omnia Geniorum officia ad unum Cupidinem transtulerunt. Nos vero, qui Genios Deorum ministros probe novimus, quum nec arcus appareat, nec sagittae, Apollinis Genio Lucernam hanc adscribimus.

Pag. 70. lin. 20.

Deleantur verba Claudii cognomento Gothici, *atque ita restitatur locus*; ibi enim magnificam olim, ingentemque C. Vibii Tribonianii Galli Augusti liberti villam extitisse compertum est.

Pag. 79. post lin. 2.

Veterum testimonia, ne cui forte pauca videantur, confirmari poterunt ex Diodoro Siculo lib. 1. Plutarcho *quaest. Rom.* LXXVI. Martiano Capella lib. 11. aliisque a Vossio relatis *De orig. Idol.* lib. 11. c. 2. Deorum enim, Dearumque nomina, quod fufius in *Roncalliensibus* meis pertractavi; quibus vulgo utebantur, haudquaquam existimanda sunt propria illorum nomina; nam ea penitior religio occultabat: sed cognomina, atque epitetha ex attributis desumpta, quae quum pluribus convenirent, pluribus etiam tribuebantur. Exemplis ibidem allatis addi potest etiam Themidem a Nonno *Dionys.* lib. XL1. v. 163. *Ilichyiam*, nempe Lucinam, appellatam fuisse; quamobrem plures Ilichyias in Sybillinis indicabantur.

*Tum Ilichyias placanto
Puerperas, ut fas est.*

Ad Praeclarissimum Virum

JOANNEM BAPTISTAM PASSERIUM

De LUCERNIS FICTILIBUS eruditissime scribentem.

QUas olim dederat Mareotica Terra Lucernas,
Has reddit largo fenore Passerius.

*Niliacae lucent per muta silentia noctis:
Luce pari lucent nocte dieque suae.*

*Illae extinguuntur subito, si desit olivum;
His, semper desit, flamma perennis erit.*

*I sequare, & mentis da pignora clara Joannes;
Aemula Phoebæ pignora lucis evunt.*

*Haec ubi praestiteris, Phoebæ mirante, nitescet
Luce nova, & radiis Orbis uterque novis.*

Ignatius Maria Comus.

IN.


INDEX TABULARUM.^{xj}

Caput Herculis I.
Hercules in laurea II.
Herculis expiatio III.
Hercules ad Arum maximam IV.
Herculis Sacrificium adstante Victoria V.
Hercules Musagetes VI.
Hercules, & Minerva VII.
Hermathena, Hermeracles VIII.
Herculis tropaeum IX.
Genius Herculis Auroreana X.
Genius Herculis sacrificans XI.
Sigillum Herculis scibile XII.
Protonoe Veneris XIII.
Protonoe Veneris Andromenes XIV.
Venus ex Balneo prodians XV.
Veneris simulacrum scibile XVI.
Judicium Parisi XVII.
Veneris symbola XVIII. & XIX.
Cupido & Psyche XX.
Cupidinis expiatio XXI.
Caput Martis XXII.
Mars Gradivus XXIII.
Genius Martis XXIV.
Martis symbola XXV.
Genius Exercitus XXVI.
Chastitatis symbola XXVII.
Eques XXVIII.
Arietarius XXIX.
Centurio XXX.
Rudarius XXXI.
Milites XXXII. XXXIII.
Vulcanus XXXIV.
Cyclopes XXXV.
Bacchi Protonoe XXXVI.
Bacchus Corniger XXXVII.
Bacchi biga a Centauris alba XXXVIII.
Bacchus Auroreana XXXIX.
Bacchus dolio insidens XL.
Genius Bacchi XLI.
Dea Libera XLII.
Lena XLIII.
Bacchus Tympanistris XLIV.
Bacchi pompa XLV.
Silvani XLVI. XLVII.

d


Fauni

Fauni XLVIII. XLIX.
Tropaeum Bacchi L.
Oscilla Bacchica LI. LII.
Larvae LIII. LIV. LV. LVI. LVII.
Pomona LVIII. LIX.
Priapus LX. LIX.
Terminalia LXII.
Genius Domesticus LXIII. LXII.
Comus LXV.
Fortuna LXVI.
Fortuna Hans LXVII.
Serpens LXVIII.
Aesculapius, Hygie, Telesphorus LXIX.
Salus in lectulo jacens LXX.
Salus jacens cum serpente LXXI.
Salus super pedis figuram reclinata LXXII.
Salutis antithemata pedes Votivi LXXIII.
Candelabrum Victoriarum LXXIV.
Victoria gradens cum palma & corona LXXV. LXXVI.
Victoria globo insilens LXXVII.
Victoria cum symbolis LXXVIII.
Victoria inter captivos LXXIX.
Victoria Trajani LXXX.
Victoriarum cum clypeo LXXXI. LXXXII.
Victoria in corona querna LXXXIII.
Victoriarum lauream sustinentes LXXXV.
Victoriarum candelabrum coronantes LXXXV.
Victoriarum tropaeum statuentes LXXXVI.
Victoriarum thurs adulescentes LXXXVII.
Victoriarum in Zophoro Vitreo LXXXVIII.
Tropaeum LXXXIX.
Lucernae triumphales XC.
Homerus cum Musa XCI.
Protomes trium Poetarum XCII.
Graecorum ex classe descensus XCIII.
Graecus ex biga pugnans XCIV.
Heros cum nimbo in biga XCV.
Graeci, & Trojani pugnantes XCVI.
Penthesilea deficiens XCVII.
Diomedes & Ulysses de Palladio disceptantes XCVIII.
Heros Palladii sacrificans CXI.
Ulysses ventos includens CI.
Orestes furiis agitatus CI.
Thesi cum Euryto pugna CII.
Heros cum milite differens CIII.
Oedipus cum Sphinge CIV.




J. P. M. del.

J. P. M. scul.



H. K. K. K. K. K.


V. F. F. F. F. F.



J. H. H. del.

V. F. sculp.






L. Noveboracensis det.






J. Hensley del.

V. Scamper sculp.




J. Hensling del.

P. Franciscus sculp.




L. H. H. del.

V. F. scul.



J. Neumeier del.

V. Fraenkel sculp.






J. H. M. del.


V. F. scul.



J. H. H. H. H. H.

V. H. H.






Prof. M. 1811

N. 11



De Menabury dei


L. Fausy Jr






V. Memorabile del

L. Pautz, sc.




Engraving by H. Smith.

W. D. Smith.



XVI



A. Marchese del.

C. F. Koenig sculp.






Joseph Munchberg del.


C. Geyers fecit.






J. M. W. Turner del.


V. C. Pin.






F. A. Monahan del.

C. Poncey sc.



Voluntary det

6/24/85

² $P = \frac{1}{2} \frac{d}{dt} \int_{\mathbb{R}^3} |u|^2 dx$ and $Q = \frac{1}{2} \frac{d}{dt} \int_{\mathbb{R}^3} |u|^4 dx$.



Die Münzstätte des

C. P. P. P. P.






J. Monro del.


C. F. J. sculp.






J. Monabney del.

C. Pacey sculp.




J. Mouton del.

A. Benard fecit.




J. Hensberg del et scul.






J. Henrichs del.

V.F. 100.




J. Monodine del.

C. Grogg sculp.




Notabene 1st

V. Fr. 1st




St. Mercurius del.


C. Paus. sculp.



J. Wandelaar del.


C. Poncez sc.





A. N. 1810

Caricature of a man



A. Menabuzzi del.

C. Fancij sc.



A. M. 1750

G. F. 1750




J. Menckens del

G. Fancini sc.



J. Moreau del.


V. F. sculp.






Il Mercurio del.

V.F. Sc.



F. Menabney del.

W. G. G. sculp.






McMonatney del.


L. 1800. 200. 10.



J. Menabuzzi del.

C. Faccioli sc.






J. Monnet del.


G. Goussier fecit.






J. Hensley del.


V. F. J. sculpsit.



I Menckhoff del.

V.F. Sc.






J. Monnery del.


W. F. Sta.



De Menaburg del.

C. F. J. J. J.






De Menachem del.

C. Fautz sculp.




U. M. del.

G. F. sc.




J. Monbary del.

V.F. Sc.




J. Monahan del.


V.F. del.



J. M. enluminé del.


C. Fauter sculp.





J. Monnet del.

C. F. Goussier sc.






La Monnaie de la

L. Fausse sc.







del. G. G. G. del.

V. F. G. G.

9-5




J. G. Schaefer, Ltd.

Y. F. Ltd.



J. Monabueny del.

C. Fanczy sc.



J. Neukirch del.

C. Fawcett sc.



F. Menabucci del.

V. Fasola





J. Mennin huc vixit del.

C. Pausanias.

LXIII.



Manuscript del.


V.F. del.



Ex. Monetae. del.

C. P. del.





L. Hensley del.

G. P. Sme.



Monetae del.

Pav. et. f. et.




Inv. M. arch. Mus. del. arch. Mus.

LXX



J. M. W. Turner del.

V. P. scul.




J. Menabue del.

C. Fancini sculp.




J. Monahan del.

J. F. & Co. sc.




da Honakung del.

L. Fautz sc.




F. Menabozzi del.

V. P. Scul.







J. Menckhoff del.


C. F. F. J. sc.






F. Menckhoff del.

V. F. Ste.





J. Mordaunt del.

C. Fawcett & Co.






J. Menckens del.


C. Fausz sc.





J. Manselney del.

V. P. J. sculpsit.



J. M. W. Turner del.


C. F. Smith sculp.



J. Hensbury del.


V. P. Sculpsit.






La Mercurio del.


L. Pavesi sc.



McMannan del


C. Davis Sc.





N. Menabucci del.


C. Fanciulli sc.




XIII.

J. H. van der Linde del.

V. A. J. van der Linde sculp.









EX MARMORE ALT. PED. III.

Scultura Monumentale del

P. A. Canova






J. H. K. 1781

C. J. 1781




J. Bouchard del.


J. Bouchard sculp.



J. Menckens del.


C. Fausel sc.






J. Monahan del.

C. Gregory fecit.



L. Houdouin del.


V.F. Jollet



J. Bouché del.

W. F. scul.









JOANNIS BAPTISTAE

PASSERII J. C.

IN VETERES LUCERNAS

NOTAE.

I.

CAPUT HERCULIS.

HERCULIS Caput duplici gemmato diadema-
te redimitum, quod ex hac Lucerna depro-
mimus, in vetustis Monumentis haecenus vul-
gatis nondum, quod sciam, visum fuit. Pro-
fecto non unam ob causam Veteres hoc Herculi orna-
mentum tribuere. Herculem enim coronari par erat, non
modo, quia *coronae*, teste Plinio Lib. xxi. 3. *Deorum*
bonos erant, verum etiam, quod Rex ille fuisset. Hinc
Homerus in ejus hymno:

Salve Rex Jovis fili.

Praeterea, quod Athletarum praefes, imo clarissimorum cer-
taminum auctor audiret: denique quod interdum *Triumphali*
appellatus sit, ejusque simulacrum *per triumphos habitus*
triumphali vestiretur; uti Plinius idem tradit lib. xxxi v. 7.

Gemmatas coronas Diis attributas memorant frequen-
ter Scriptores, quos inter Tertullianus de Coron. cap. 13.
*Hoc vocabulum est coronarum quas gemmis, & foliis ex au-
ro quercinis ob Jovem insignes ad deducendas Thensas, cum*
palmatis togis sumunt: more utique a Graecis petito, qui
gemmatas coronas, seu diademata Deorum capitibus im-
ponebant, uti ex Pausania constat. Huc spectasse Impera-
torem Commodum conjici potest, qui Herculem referre
affectans, theatrum ingressus *corona aurea illuminata gem-
mis Indicis utebatur*, Dione teste lib. 72.

Oscilla duo fictilia intus vacua perforatis oculis, atque
buccis, ultimam rudi opere antiquitatem redolentia, & ad

Tom. II.

A

pro-

prototypi magnitudinem expressa subjecimus; quippe quorum institutio Herculi adsignatur, qui quum Italos foedo humanae victimae sacrificio in Saturni honorem, polui magis, quam expiari animadvertisset, instituit, ut hominum simulacra pro hominibus ipsis offerrentur, uti refert Macrobius lib. 1. cap. 7. *Herculem ferunt suasse, ut faustis sacrificiis infausa mutarent; inferentes Diti non hominum capita, sed oscilla ad humanam effigiem arte simulata, & cap. xi. Pelagos postquam felicior interpretatio capita non viventium, sed fictilia, & vana aestimationem, non solum hominem, sed etiam lumen significare docuisset, coepisse Saturno cereos potius accendere: & in sacellum Disis arae Saturni cohaerens oscilla quaedam pro suis capitibus ferre; ex illo traditum, ut cerei Saturnalibus missarentur, & fictilia arte fictili fingerentur, ac venalia pararentur: quae homines pro se, atque suis piaculum pro Dite Saturno facerent.*

Haec autem oscilla, ut de illorum quoque usu paucis disseram, siue fictilia fuerint, ut nostra, siue ex alia quacunque materia, ad hominum expiationem pertinuisse arbitror. Solebant enim veteres sacris arboribus oscilla suspendere, quam quidem caerimoniam respexisse videtur Virgilius Georg. 11. v. 389. dum ait:

Oscilla ex alta suspendunt mollia Pinu.

In quem locum haec tradit Servius: *Inde inventum est, ut formas ad sui oris similitudinem facerent, & eas pro se suspensas moverent.* Tria enim poenarum genera, quibus apud inferos hominum crimina puniebantur pari expiationum numero tolli posse inter vivos tradiderunt. Siquidem tria animabus crimini obnoxii supplicia imminere autumabant; nempe, per ignem, aerem, atque aquam; quae scite, ut semper, his versibus complexus est Virgilius Aeneid. vi. v. 739.

*Ergo exercentur poenis, veterumque malorum
Supplicia expendunt. Aliae panduntur inanes
Suspensae ad ventos: aliis sub gurgite vasto
Inscelsum eluitur scelus, aut exuritur igni.*

Quibus quidem cruciatibus avertendis totidem purgationes adinventae sunt; per taedas scilicet, & sulphur; per ablui-

blutionem; demum per ventilationem; nempe iisdem³ elementis adhibitis ad vivos homines scelere exsolvendos, quibus mortui cruciari debuissent.

II.

HERCULES IN LAUREA.

Elegantissimi operis Lucernam commendat Hercules stans. Discum ambit laurea corolla ex manubrio hinc inde descendens. Multas quidem arbores Herculi sacras persuasum habuit vetustas, quas inter esculum, albam populum, & cerrum: sed has peregrina superstitio illi consecravit, laurum vero Latina. Quum enim Caci caede Pallantium liberaffet, Aborigenes, & Arcades loci incolae *pauperes ramos lauri decerpentes, quae multa eo loco nascitur, illumque & se ipsos coronaverant*; uti memoriae prodidit Dionys. Halic. lib. 1. Quare Macrobius lib. 111. cap. 12. morem obtinuisse memorat ut *ad aram maximam sola lauro capita, & alia fronde non vinciant. Videmus & in capite Praetoris Urbani lauream coronam, cum rem divinam Herculi facit.*

III.

HERCULIS EXPIATIO.

Hercules inter aras consistens sui expiationem aggredi videtur. Nondum ille sacrificat: vix enim credo in veterum monumentis inveniri nudos sacrificantes; nisi forte Genios Deorum ministros. Collumellae instat Deae simulacrum; at cuius sit, affirmare non ausim, ex rudi praeferim notae opificio, ubi minutiora non admodum solenter efficta cernuntur. Si vero in obscuris conjecturae locus, haec, qualiscumque sit, eruditis viris nequaquam, ni fallor, improbabitur. Parva illa imagine Cererem significari opinor; cui maxime proprium est calathi attributum, quem capite gestat. Calathus enim sol-

Tom. II.

A 2

lemni

4
leamni curru, & pompa in ejus honorem gestari solebat in ipsius Deae festis, quae Graecis *Θεσμοφ.* appellantur, quemadmodum ex Callimacho in illius Hymno, & Aristophane in *Thesmoph.* colligitur. Hinc & eadem Ceres cum calathio in nummo Salonianae Augustae, & in alio Sardoniorum observatur apud Ezechielem Spanhem. *de Vesta*.

Arulis hinc aquae urceus imponitur, inde ignis ardens, non tantum symbola, sed & instrumenta, quibus duplex expiationis genus perficiebatur, uti ex Servio demonstravimus. Nudus autem hic repraesentatur Hercules, qualem ex lavacro credendum est, ut rite sacra perageret, ascendisse. Hunc lavandi corporis morem, antequam sacra inirentur, passim testati sunt Scriptores. Plautus *Aul.* Act. 111. Sc. 6. v. 43.

Ego, nisi quid me vis, eo lavatum, ut sacrificem.
Et Liv. lib. 1. Romanos ita Sabino homini succensentes inducit. *Quidnam tu hospes paras? inceste sacrificium Dianae facere? quin tu ante vivo persunderis flumine? infima velle perfluit Tiberis.* Praesertim vero qui alicujus caedis conscius sibi esset, neque conrectare Deorum simulacra potuisse crediderunt, nisi lotionem corporis animi maculam expurgasset; ita Virg. *Aeneid.* lib. 11. v. 722.

*Tu, genitor, cape sacra manu, patriosque Penates:
Me bello e tanto digressum, & caede recenti,
Attrectare nefas, donec me flumine vivo
Abluero.*

Quod ridet Arnobius lib. vii. & Lactantius Firmianus, *de fals. Relig.* lib. v. Imo ipse ex ethnicis Ovidius:

*O nimium faciles, qui tristia crimina caedis
Fluminea tolli posse putatis aqua.*

Saepe Herculem caedibus expiatum accepimus, atque has quidem illius expiationes frequenter in vetustis anaglyphis occurrunt; inter quae memoranda in primis celeberrima Farnesiana Tabula, quam Cl. Gorius inter Marmora Doniana iterum publici juris fecit. At vero expiatio illa, quam in hac Lucerna parat Hercules, ea, ni fallor, est, quae ad inferos descensurus, ab Eupolmo purgatus est, de qua Apol-

Apollodorus Bibl. lib. 11. pag. 71. *Hercules ab Eupolmo
tanti criminis contagione expurgatus* (caede nempe Nessi
Centauri) *Cereris sacris initiatur, inde ad Taenarum Laco-
niae Promontorium, ubi ad inferna ostium patet, accessit.*

I V.

HERCULES AD ARAM MAXIMAM.

Herculis sacrificantis imaginem in hac Lucerna nemo non agnoscit, quamquam sibi familiaribus symbolis destituatur. Illam enim produnt & nota effigies, & validi corporis lineamenta, ejusque cultus, quippe Heroum more seminudus sacrificat; ipse denique detecto capite sacrificandi ritus, quod corona tantum redimitur. Hic enim mos illi uni, ac Saturno peculiaris est; cum cetera Romanorum sacra velato capite perpetuo peragi sollemne fuerit. Ejusmodi ritum ex Oriente accersitum putavit Xilander in notis ad x. Quaest. Rom. Plutarchi: a quo non longe abest praeceptum Aaroni inunctum Exod. c. 29. v. 6. ut cydari uteretur. Sed ne Ethnicorum nugis Religionis sacramenta misceamus, sufficiat nobis hanc caerimoniam ab Aenea usque deducere, qui, Plutarcho teste memorata quaest. Rom. x. auctor fuit, ut sacrificantes caput operirent. Id illi ab Heleno quondam traditum refert Virg. Aen. 111. v. 403. & seqq.

*Quin ubi transmissae steterint trans aequora classes,
Est positis aris jam vota in littore solves,
Purpureo velare comas adopertus amictu:
Ne qua inter sanctos ignes in honore Deorum
Hostilis facies occurrat, & omina turbet.
Hunc socii morem sacrorum, hunc ipse teneto;
Hac casti maneant in religione nepotes.*

Quem locum explicans Servius subdit: *Sane sciendum sacrificantes Diis omnibus capita velare consuetos ob hoc, ne se inter religionem aliquid vagis offerret obtutibus, excepto tantum Saturno, ne Numinis imitatio esse videretur, quia Saturnus velato capite ibi cernitur; & Herculi in Templo suo,*
quia

quia & ipse capite aperto est. Leonis exuvias intelligit hoc loco Servius, quas sacrificans mutavit. Eadem fere tradit & Macrobius Saturn. lib. 1. c. 8. *Illic* (scilicet in aede Saturni) *Graeco ritu capite aperto res divinae*, quia primo a Pelasgis, post ab Hercule ita eam a principio facilitatam putant.

Hoc igitur ritu compositus Hercules, unicaque caput corona redimitus, aram maximam tenet, in qua Deorum unicus sua sibi met sacra perfecit. Prodeat iterum testis Dionys. Halicarnas. superius memoratus, lib. 1. *Aborigenes, & Arcades*, inquit, *pauperes ramos lauri decerpentes, quae multa eo loco nascitur, Herculem, & se ipsos coronarunt. Evander autem quum vellet omnes homines praevenire Deorum honoribus, Herculem primus placans, aram illi studiose extemporaneam erigit immolatque juvenum indomitum, divinationem Carmentae Herculi aperiens, precatusque est, ut sacra perficeret.* Hujus vero ulum coronae ex Lauro in Herculis sacris minus antiquum docuit Macrobius Saturn. lib. 111. c. 12. *Constat quidem nunc lauro sacrificantes apud aram maximam coronari; sed multo post Romam conditam haec consuetudo sumpsit exordium, postquam in Aventino lauretum coepit vivere.* Maro noster ad ea tempora respexit, quibus Evander, ante Urbem conditam apud aram maximam sacra celebrabat, & utebatur populo, utique Alcidae gratissima. Haec vero Virgilius Aen. viii. v. 276. & seqq.

. *Herculea bicolor quum populus umbra
Velavitque comas, folisque innexa pependit.*

& ibid. v. 285., & seqq.

*Tum Salii ad cantus incensa altaria circum
Populeis adjunt evincti tempora ramis.*

Sollemne illud Nemaei Leonis spoliū nusquam appareret. Alienū enim a religione fuisset tantae necis exuvias ob oculos Deorum sacrificantem objicere, non enim de silvestri fera agebatur; sed de monstro divinae originis, quod Chimera ex Ortho in perniciem hominum pepererat ut scribit Hesiod. *Theogon.* cujus etiam post mortem anima minime evanuerat ferarum more, sed excepta inferno, ut tradit Theocrit. in *Hercule Leonis interfecto-*

re,

re, adhuc vivebat, quod de ceteris hujuscemodi monstis tradit Virg. Aen. vi. v. 285. & seqq. Quod si marmor Farnesianum toties a doctis Viris reculum, in quo Herculis expiatio observatur pro Lucernae nostrae illustratione adeamus, intuebimur Herculem sacra facientem unico coopertum pallio, ut in toreumate nostro videre est. Accedit insuper Appollodori auctoritas *Bibl.* lib. 2. Is enim Herculem describit Jovi Cenaeo sacrificantem, ac pelle Leonis deposita, pallioque sibi a Dejanira, quod illa veneno infecerat, misso coopertum, quo in furorem actus est. Quae vero forent hae caerimoniae, quae graeco more Herculi praestarentur, atque in quo potissimum a latino differrent, nemo tradidit; imo inter arcana quandoque illas latuisse vel ex eo deduci potest, quod quum eae in una Pinariorum familia servarentur, haec non aliter quam pretio corrupta ab Appio Claudio publicis eas adminitris propalavit, ut ait Dionys. Halic. lib. 1. & Macrob. Satur. lib. 1. c. 6. Atamen inter earum ritus illud peculiare fuisse scimus, ut aperto capite sacra perficerentur. Praeterea in his sacris lectisternia esse licebat; sed, qui sacris epulis vescerentur, federe solebant, quum in ceteris reclinati ad mensas accumberent, quod ex Virg. lib. viii. & Servio in eum locum clare depromitur. Ad hoc, Sacerdotum vestes expellibus costabant, quod item ex Virgilio percipimus.

Pellibus in morem cincti.

Si vero quid magis arcanum in hisce sacris, quae graeco more fierent, expiscari est animus, adeundus Paulanias in *Corinth.* ait enim Sicyonios primum Herculi, tanquam Heroi parentare consuevisse, quod aegre ferens Phaestus, & iniquum putans divinos illi honores non haberi, instituit, ut jugulati agni femora ad aram torrerent, carniū vero partem unam non aliter, quam victimarum soliti essent, vescerentur, aliter Herculi, tamquam Heroi, parentarent. Sed fortasse haec unius Sicyonis sacra erant, ceterorum vero Graecorum longe aliter se habebant, praecipue quum ex Virgilio, Dionysio, & Macrobio comperiamus, tauro indomito Herculi fieri consuevisse.

Ara cui Hercules adit, ex iis est quas compactiles
appel-

appellari animadvertimus in notis superioris Voluminis , cui formae optime respondet Dionysii auctoritas, qui ex-temporaneam ab Evandro fuisse erectam testatur .

V.

HERCULIS SACRIFICIUM ADSTANTE
VICTORIA.

Forte in hac Lucerna Herculis sacrificium expressum est, quod ille, Caco occiso, Jovi Inventori obtulit, uti narrat Dionys. Halic. lib. 1. semet prius a recenti caede expiato per ablutionem in Tiberi. Inde Victorem cognominatum scimus, aramque maximam illi hoc cognomine eo loco dicatam quo in loco tantum Latinis beneficium fuerat impertitus: quod non obscure prope adstans victoria significare videtur. Hanc jure omnium Herculis laborum consciam, ac veluti lociam possis appellare. Sequimur tamen Romanorum institutum, qui Deorum cognomina non ex peregrinis factis, sed patriis maluerunt nuncupare. Quare Herculi victoriam in hac Lucerna sociatam credimus, quod eorum progenitoribus, uti putabant, illius ope salus parta fuisset. Notatu dignum est sacrificium perfici, non patera, sed simpulo, fortasse scypho, quo in ejus sacris utebantur. Ita enim testatur Virgilius :

Et sacer implevit dextram scyphus .

VI.

HERCULES MUSAGETES.

Claudianus de laud. Sciliconis Praefat. lib. 111. v. 6. *Carmen amat quisquis carmine digna gerit.* Herculem Heroum more cantum, & citharam didicisse tradit Theocrit. in *Herculisco*.

*Litteras quidem puerum senex docuit Linus ,
Sed cantatorem eum fecit, & ambas manus formavit.*

In

In buxea citbara Philammonides Eumolpus.

Apollodor. vero lib. 2. *Bibl.* ait eum a Lino citharoedicam didicisse. Cur vero Herculem Musis sacraverint Graeci, qui eum Musagetem appellarunt, trita est apud Mythologos ratio: nempe fortitudinem sine ingenio minime pollere. Aliam adducit rationem Plutarch. in *Problem.* quod nempe Hercules Evandrum litteras docuisset, quod ex Jubae monumentis excepisse tradit. Herculis vero templum Romae a Fulvio Nobiliore exstructum in circo Flaminio, & a Marcio Philippo restauratum tradit Svet. in *Aug.* c. 29. licet alii primum fundatorem Philippum intelligant, ex ipsis Svetonii verbis: ejusque festum pridie Kal. Junias memorant vetra Kalendaria. Aleander ad *Tab. Eliacam* Herculem probat esse Solem; quare Musis optime convenit.

VII.

HERCULES, ET MINERVA.

Herculem, & Minervam non semel in Etruscis monumentis sociatos observavimus, quod ejus Deae monitu multa egregie perpetrasse creditus sit: sic in bello adversus Titanes Juppiter consilio Palladis Herculem socium accersivit, qui primus omnium Halcyoneum sagitta confosum interemit, ut tradit Apollodorus *Bibl.* lib. 1.

Etiam Minervam Alcidem a Macedonibus cultam memorat Liv. lib. 42. c. 40. *Ipsē (Perseus) centum hostiis sacrificio regaliter Minervae, quam vocant Alcidem, confecto, cum purpuratorum, & satellitum manu profectus est Citium.* At istud Minervae cognomen nihil cum Hercule commune habet, quippe est ab *ἀλκμή* fortis robustus; unde alio cognomine Minerva *ἄλκιμος* dicta est; ut tradit Suidas.

VIII.

HERMATHENA, ET HERMERACLES.

Palladis, atque Herculis signa Hermeis stipitibus imposita hic feruntur, quibus sapientiam, & fortitudinem

Tom. II.

B

cum

cum eloquentia conjungi oportere veteres judicarunt. Quamobrem ex his Academias ornari consuevisse aptissimo emblemate a Cicerone docemur ad *Att.* lib. 1. Ep. 4. *Quod ad me de Hermatbena scribis, per mihi gratum est ornamentum Academiae proprium meae, quod & Hermes commune omnium, & Minerva singulare est ejus gymnasi.* Hermeraclarum quoque mentionem facit Cicero ad *Att.* lib. 1. Ep. 8. *Signa nostra, & Hermetraclas, ut scribis, quum commodissime poteris, velim imponas.* Signa haec pectore tenus in humanam effigiem efficta inferne in quadratae collumellae morem desinunt; Hermetra vocant, quod illa potissimum effigie Mercurius effingeretur. Cum vero alterius Dei caput praefixum habet, ex illo, & Mercurio coalitam divinitatem plerumque Mythologi philosophantur. Ego vero non id mystice factum, sed artis defectu evenisse puto; ut quae corpora antiquitus exprimere non valerent, ea in collumella explicarent. Nullius enim Dei imago fuit, praesertim ex antiquioribus, quae, Paulania teste, hac forma non constaret. Sic in *Arcaëis* signa Apollinis, Minervae, Neptuni, Solis servatoris, Mercurii, & Herculis fuisse affirmat. Tale rursus in *Boeoticis* tradit fuisse Veneris simulacrum, quadrangulae insitens basi, pro primaeva idololatria, quum saxa primum informi colere coeperunt. Paul. in *Boeot.* *Cupido, cujus est signum vetustissimum rude quoddam saxum.* Tum capita addiderunt, ut ait Bonarrot. *Medaglion.* pag. 215.

I X.

HERCULIS TROPHAEUM

Leonis, sive Nemaëi, sive Lesbii, sive Citheronaei exuviae in hoc Herculis Tropaeo principem obtinent locum. Hesperidum poma aurea superius eminent, quae Jovi a Junone in dotem tradita a dracone centum capitibus armato custodiebantur, quem idem Hercules interemit. De quo facinore plura apud Atheneum lib. 11. cap. 7., & Bonarrot. ad num. 9. *Caracallae*. Cur citharam Herculi attribuerit antiquitas, indicavimus supra n. vii. Gladium vero illi in-

inter cetera arma adscriptum memorat Apollod. lib. 2. scribens illum ensē a Mercurio accepisse. Machaeras quoque Herculis in Imperatoris Commodi gaza servatas refert Capitolinus in *Pertinace*, quae & forma, & sui mole Herculem non dedecuisse.

X

GENIUS HERCULIS ΛΕΟΝΤΟΦΟΝΕΥΣ.

CLavam attollit Genius Herculis, veluti de Leonis nec jactabundus, Herculem imitatus, qui ejus belluae caedem ita describit apud Theocritum in *Hercule Leonis interfecitore*

Altera vero manu clavam aridam supra tempora illius attollens

Impingebam in caput. In duas vero partes asperam fregi

Ibidem in hirsuto capite silvestrem oleam.

Ibi Deorum aliquis me admonuit, ut cogitarem

Ipsis pellem Leonis scindere unguibus;

His celeriter excoriavi, & membris indui.

Ipsa clava, quam Genius attollit, in duos nodorum ordine diffissa est, casu, an opificis industria, nescio, ut vetus illud detrimentum exprimeret.

X I.

GENIUS HERCULIS SACRIFICANS.

Institutum erat in insula Delo, ut sine victimarum usu solis pomis Herculi libaretur, qui inde peculiari cognomine ΜΗΛΩΝ vocatus est, ut notavit Bonarrotius *ad num. 8. Caracallae*. Ita nempe illa gens ipsi Deo se blandiri putabat, quod inter praecipua ejus facinora, aureorum pomorum rapina numeraretur. Hoc itaque sacrificium refertur in hac Lucerna, in qua Heracleros clava insignis ad aram accedit, quae pomis referta est, ac dextera ingentem pateram arae admovens, nudus (ut Genii fere semper) sa-

Toim. II.

B 2

cri-

12
erificat . Genios vero Deorum sacra celebrantes effinxerunt ;
quod illorum ope , veluti Deos inter , atque homines in-
termedia horum sacrificia ad Caelites deferri putarent , uti
superiori Volumine innuimus .

X I I .

SIGNUM HERCULIS FICTILE .

SUm fragilis , sed tu , moneo , ne sperne figillum ,
Non pudet Alcidem nomen habere meum .
Ita in simile Herculis simulacrum lusit Martialis lib. xiv. *Epig.*
176. vel 178. juxta varias editiones . Insignem Herculis
fictilem statuam , quam Tarquinius Prisci aeo Turianus a
Fregellis accitus fecerat , memorat Plinius lib. xxxv. c. 12.
Ab hoc eodem factum Herculem , qui bodieque materiae no-
men in urbe retinet : hae enim tum effigies Deum erant lau-
datissimae .

X I I I .

P R O T O M E V E N E R I S .

Venerem designat in hac Lucerna capitis corona , qua
recens nata ab Horis redimita est , teste Homero hym-
no 11. in *Venerem* , & dexterum sidus , quod nulli ex De-
abus , si illam excipias , attributum est .

Accedit praeterea in toreumate Romani artificii , quod
sub astri symbolo potissimum Romanorum numen Caesar
designatur , qui Veneris beneficio in stellam conversus est .
Sic enim Juppiter Venerem alloquitur apud Ovid. *Metam.*
lib. xv.

Hanc animam interea caeso de corpore raptam
Fac jubar , ut semper Capitolia nostra , forumque
Divus ab excelsa prospiciet Julius aede .
& deinde

..... *nec in aera solvi*
Passa recentem animam caelestibus intulit astris
Stella micat .

Cir-

Circulus, ut videtur, gemmatus, qui e sinistra suffixus est, ad
ea monilia fortasse pertinet, quibus saepissime haec Dea ad
illecebras exornata est. Neque a proposito alienum erit du-
bitare, an hic cingulus ille referatur, quo validissimo sub-
sidio Deos demulcebat, quodque Junonem a Venere mu-
tuatam ad Jovem alliciendum narrat Homer. *Iliad.* 2

*Dixit, & a pectoribus solvit acu pictum cingulum
Varium; in eo autem omnes illecebrae ei factae sunt;
Illi inest quidem amor, inest autem desiderium, inest colloquiū,
Blandiloquentia, quae decipit mentem valde etiam pru-
dentem:*

*Hoc ei imposuit manibus, verbumque dixit, & compellavit:
Accipe nunc hoc cingulum, tuoque impone sinui,
Contextum varie, in quo omnia facta sunt: neque te puto
Irritam redituram in eo, quod mentibus tuis cupis.*

X I V.

PROTOME VENERIS ANADYOMENES.

Venerem e mari progenitam, & concha exceptam ve-
terum fabulae, & toreumata testantur. Hinc Tibul-
lus lib. 3. *Eleg.* 3. v. 34.

Et faveas concha Cypria veſta tua.

Et apud Statium, Venus ait de formosa muliere:

Haec est caeruleis mecum conſurgere digna

Fluſibus, & noſtra potuit conſidere concha.

Hoc exprimere voluit Sigillator, qui Veneris Caput concha
comprehenſum in hac Lucerna exhibuit. Fateor tamen ſar-
cophagos, praefertim poſterioris aevi, frequenter virorum,
aut mulierum, quandoque amborum ſimiles imagines, con-
cha incluſas, continere. Cui conſuetudini fortasse alluſit
Lucernae artifex, quum ceteroquin conchae ipſae frequen-
tiſſimum mortis ſymbolum ſint, & tranſitus ad beatorum
inſulas.

X V.

VENUS EX BALNEO PRODIENS.

VENEREM e balneo prodeuntem, atque unguentariae urnae innitentem, qualis hac in Lucerna optimo ducta stilo repraesentatur, plures referunt veteres statuae, quae Romae adhuc visuntur. Saepius quidem lotam Venerem tradunt Auctores. Sic, priusquam Paridis sese iudicio subjiceret, in Scamandro flumine eam se lavisse docet Eustathius in *M. Iliad.*, qui fluvius inde Xanthus appellatus est. Iterum quum ad Anchisem, occultata divinitate, accedere meditaretur, ut mater Aeneae fieret, in Cyprum se contulit;

*Ibi autem Gratiae laverunt, unxerunt oleo
Immortali, qualiter Deos convenit semper existentes:*

Ita Homerus hymno in *Venerem* 1.

XVI.

VENERIS SIMULACRUM FICTILE.

HOC Veneris Sigillum ornant consueta corona, solidae in brachiis armillae, & concinnae in pulvisbus torques. Haec, & similia ornamenta, quum ad Anchisem perrexit, secum detulit; qui

*Ornamentum quidem illi primum a corpore abstulit lucidum,
Fibulasque flexibiles, belicasque, calycasque, & monilia,
Solvit autem & illius zonam,*

ut fabulatus est Homerus hymno in *Venerem* 1. Simulacrum hoc typo effictum ex iis fuisse puto, quae ipsi Veneri a nupturis Virginibus donabantur, quas *pupas* vocat *Perf. Sat.* 2. vers. 69.,

Dicite Pontifices in sacro quid facit aurum?

Nempe hoc, quod Veneri donatur a virgine pupae.

Quas quidem pupas, non ludicras imagines, ut quidam Scho-

Scholiaſtes opinatus eſt, fuiſſe reor (nam a templi ſancti-
tate omnino ablegatas fuiſſe credo) ſed ipſiusmet Veneris
imagunculas , ex iis proſecto , quæ in Deorum templis
ex marmore , aere , & argilla , offerri , ac dedicari ſolebant,
& parerga , ſeu donaria vocabantur , fretus auctoritate La-
tantiſ Firmiani *Inſtitution.* lib. 11. cap. 4. qui eundem
Perſii locum adducens, atque explicans , ait : *ſimulacra ip-
ſa , & effigies Deorum nihil aliud eſſe quam grandes pu-
pas Ergo his ludicris , & ornatis , & grandibus pupis ,
& unguenta , & thura , et odores inferunt ; his opimas , et pin-
gues hoſtias immolant .* Hoc ſigillo ad me Roma delato ,
plura huiusmodi in luco ſacro veterum Piſaurenſium ſicilia
reperita ſunt , inter quæ , puellæ frondibus coronatæ , quæ
columbæ manu tenent .

XVII.

JUDICIUM PARIDIS.

Judicium Paridis de pulcherrima Dearum refert elegantif-
ſima hæc Lucerna , quum ille

*Contemſit Deas , quando ejus ad tugurium iverant ;
Namque laudavit , quæ ei præbuit libidinem triſtem ,*

ut ait Homer. *Iliad.* α.

Nudas fuiſſe Deas communiter ajunt , quum ejus judicio ſe-
ſe ſubjecerunt , Ovidio teſte , *Epist.* v. *Oenones Paridi* v.
34. & 35.

*Qua Venus , et Juno , ſumtiſque decentior armis
Venit in arbitrium nuda Minerva tuum :*

& *Epist.* 17. *Helenæ Paridi* v. 115. & 116.

*At Venus hoc paſſa eſt : et in altæ pallibus Idæ
Tres tibi ſe nudas exhibuere Deæ .*

At vero quia

Regna Jovis conjux , virtutem filia jaſſas ,
uti Paridem Helenæ ſcribentem inducit Ovidius *Epist.* 16.
v. 81. putarunt Etruſci , ac Romani duas hæc non nu-
das , ſed ſolito cultu indutas ad judicium accendiſſe , atque
ita eas effinxerunt . Quod fortasſe ſigillatoris cura ſpectavit
quum

ita eas effinxerunt. Id forte sigillatoris cura spectavit, quum Venerem nudam, ceteras cultu solito ornatas, ad discrimen tollendum, expressit.

XVIII. XIX.

VENERIS SYMBOLA.

A Nimalia, quibus Deorum potestas significabatur, frequenter in iis, quae supersunt, vetustatis monumentis, occurrunt, Deorum suorum munera indicantia. Venerem hortorum habitam custodem memorat Plin. lib. 19. cap. 4. Plautum testem adducens. Itaque illi primitias hortuli, poma, & uvas in calathio oblatas dominae suae vice delibant Columbae, quas Veneri sacras fuisse Plutarchus etiam testatur *de Isid. & Osirid.*, earumque ministerio per aera vehebatur. Ovid. *Met.* 15.

Perque leves auras iunctis inuenta Columbis

Littus adit.

Inferne lepores pomorum struem depascuntur; quippe par erat, ut matris symbolis filii hieroglyphica accederent. Nam Cupidini sacer fuit Lepus, cujus rationem a nominis etymologia repetit Eustathius in *A. Iliados*. Censet enim hoc factum, quod *λεπρος* & *λεπρος* *λεπρος* pariter descendunt. Fortasse & indoles ejus bestiolae maxime in libidinem proclivis in causa fuit, cur Cupidini sacraretur.

XX.

CUPIDO, ET PSYCHES.

Cupidinis, & Psyches nuptias, quae Mythologorum arcanis commendantur, sertum superne demissum exornat. Namque hoc erat januae decus, ubi ea solennia celebrari contingeret. Catull. in *Argon.* v. 293.

Vestibulum ut molli velatum fronde vireret.

& Juvenalis Sat. vi.

Ornatas paullo ante fores, pendentia linqvit

Vela domus, & ad haec virides in limine ramos.

Dis-

Difficile est profecto definire quanam sint minutula illa poma, quae foliis intexta sunt, nisi forte nuces repraesentent, quae nuptiarum die distribuebantur. Catullus in *Epithalam*.

*Da nuces pueris, iners
Concubine. satis diu
Eussisti nucibus. lubet
Jam servire Tbalassio.
Concubine, nuces da.*

Haec Lucerna facile inter Sepulcrales ableganda esset, quippe fabula Cupidinis, & Plyphes post casus varios divinitate donatae, nihil, nisi animae futuram aeternitatem indicabat; hinc tam frequenter in sarcophagis occurrit. Verum, quum perspectum habeamus non semper in Lucernarum usu eum habitum fuisse delectum, ut quaeque Lucernae propriis earum usibus, & qui ornamentis suis responderent, adjicerentur (quum in sepulcris sacrae, domesticae, votivae demum, & festivae inveniantur, corruptis maxime moribus, sive mavis ex inscitia servorum, quibus cura erat Lucernas statis temporibus apud tumulos excitandi, sive etiam vulgi incuria, qui usibus suis domesticis quot quot ad manus venirent Lucernas adhibebant) ideo conveniens visum est hanc, de qua agimus, proferre hoc loco.

XXI.

CUPIDINIS EXPIATIO.

Quum Deorum pene omnium imagines Lucernae contineant, par erat Cupidinem quoque ipsum exprimi in Lucerna, quae Amoris simulacrum a Musaeo appellatur de *Herone*, & *Leandro*.

*Dic Dea occultorum testem Lucernam amorum
Lucernam annunciantem nuncium Veneris
Lucernam Amoris simulacrum, quam debuit aetherius
Juppiter*

Nocturnum post officium ducere ad consortium astrorum,

Tom. II.

C

Ac

Ac ipsam appellasse sponſas - ornantem ſtellam amorum.
De expiationibus, quae per ignem fierent, actum ſupra
in Hercule.

XXII.

CAPUT MARTIS.

MArtis armati ſpeciem pectore tenus exhibet Lucerna
noſtra, quem alioqui nudo pectore in nummis, &
ſimulacris videmus. Verum cultus iſte Martem maxime
decer; illum enim armis indutum rapraeſentat Homer.
Iliad. O.

Ipſe autem (Mars) induebat arma praefulgentia;
Atque illum inſtructum armis, *χαλκικην*, vocat idem Ho-
merus *in hymn.*, atque Nonnus.

Martis galea, duplici plumarum ordine inſignis, cauda
equina exornatur. Huiusmodi galeam Homerus deſcribit
Iliad. T.

Capiti autem in forti galeam bene factam poſuit
Cauda equina ornatam: graviter autem criſta deſuper
nutabat.

Martem quoque loricatum inducit Statius bellum in-
ter Etheoclem, & Polynicem excitantem, loricamque ip-
ſam deſcribit monſtroſis animalium ricibus ferociter ornatam.
Haec loricarum inſignia ab Imperatoribus uſurpata te-
ſtantur, fracta licet, eximia tamen ſtatuarum Impe-
rialium fragmenta, quae Foro Sempronii in Praetorio,
atque Urbini in viridario Ruvereo adſervantur. Duplex
plumarum ordo, qui thoracis oram ambit, totidem mon-
ſtra ſervat, gryphum, elephantum, hircum, leonem,
&c.

XXIII.

MARS GRADIVUS.

GRadivus Mars appellatus eſt a gradiendo in bella ultro,
citroque, ſive a vibratione baſtae, quam Graeci *κρίνοντες*,
vel

19

vel, ut alii dicunt, quia gramine sit ortus. Ita Serv. in
primum *Aeneid.* 296. *Hastam* vibrat dextera, unde ab
Homero in *Hymno* *hastā valens* appellatur: ac de eo
rursus Claudianus de *Magnet.*

qui cuspidē verberat urbes.

Verum, quum in nummis Hadriani hoc ipso habitu *Romulus Conditor*, vel *Romuli Conditoris* nomine Hadrianus ipse repraesentetur, existimabam olim Lucernae nostrae typum *Romulo Conditori* adsignandum esse. Neque ab hac me opinione removebat, quod in Lucerna imberbis figura sit, barbatus vero Romulus fere semper exhibeatur: arbitrabar enim Romanos aetatem illi, ac vultum militiae accommodatum tribuisse, quum castrensi habitu repraesentarent; quum vero paganico, senem, atque ore, capilloque curiae dignitatem referentem exhibuisse. Sed tutius est Marti Gradivo Lucernam adscribere, qui hoc plane habitu semper figuratur.

Parergi loco lupinum caput adjecimus, unum ex quatuor, quae ex argilla summo artificio elaborata nuper ad me Roma missa sunt; cujus imaginem Marti subjeci, quod hoc illi animal propter rapacitatem carissimum habitum sit; Quapropter *martium* appellavit Virgilius *Aeneid.* 1x. Capita ista collo tenus effracta, nescio an vasibus pro ansis essent; quibus disiectis, reliquiae istae selectae sint: seu potius ita fabrefacta essent, ut villarum, & caularum ostiis praefigerentur. Docet enim Plinius lib. xxviii. cap. 10. veneficiis rictum lupi resistere, atque ob id villarum portis, ut maleficia averruncarent, praefigi consuevisse. Quum vero in tanta hominum frequentia, atque agrorum cultu rariores lupi haberentur, quorum aridae cervices maleficiis terribandis suspenderentur, ficta haec fortasse substituerunt, & venerati sunt, eo prorsus modo, quo ceterorum sacrorum animalium imagines, per quas Deorum Praesidium divinitatem significari autumabant.

GENIUS MARTIS.

IN veterum Lucernis non infrequens est typus iste, quo Genius quandoque alatus, interdum vero alis destitutus (utroque enim modo Deorum Genios effingebant) tropaeum praefert, vel humeris hostium spolia ad instar Martis Gradivi, trunco suffixa gestat. E multis, quae in Museo nostro asservantur, unum hoc exemplar selegimus, ut Marti famulum adderemus. Vix enim Numina fuisse puro, quorum Genii respondentibus symbolis conspici non observentur. Siquidem mos iste a sollemni illa disciplina deductus est, qua veteres Mythologi tradiderunt, Divinam rationem ad se se homini communicandam nequaquam aptam fuisse, nisi intermediae quaedam potestates, dissimiles illas conciliarent naturas, atque nunciorum instar, hominum benefacta, potissimum vero in ipsos Deos officia, ad ipsos deferrent: rursus vero Deorum beneficentiae munera ad homines referrent: quae omnia priori libro indicata, in *Acherontico* meo, qui quamprimum, Deo adjutante, in lucem prodibit, fufius pertractata sunt.

At Poetae, quibus, nescio quo artis sinistro fato, Deorum maximus est Amor, doctrinam illam nobis subinde fabulis corruerunt, atque Amorem ipsum omnia Geniorum officia obeuntem commenti sunt, tanquam de Diis singulis triumphum ageret. Hic venit in mentem elegantissimum Epigramma de Cupidine tropaea gestante in *Antheologia* lib. IV. cap. 12.

*Aspice, ut exuviis Divum latentur Amores,
Utque ferant bumeris rapta tropaea suis.*

*Tympana cum thyrso Baccbi, tum fulmina Summi,
Splendentem galeam, scutaque Martis habent.*

MARTIS SYMBOLA.

G Alea, & ensis facile inter Martis symbola reponentur, quum plerumque solis hisce armis indutus ille representetur. In casside Triton buccinam inflat, quod ad Gigantomachiae fabulam referri superiori volumine diximus. In veterum galearum cono, & lateribus quandoque Victoriae exultantes, ut ibi in Lucerna Palladis, aliquando ipsae in quadriga, Tritones, Pegasi, Dracones, Sphinges, & similia occurrunt. Haec symbola non ad ornatum tantum, aut ad terrorem incutiendum indita puto, sed ex quadam veluti religione, qua haec animalium prodigia pugnantis opitulari credebantur. Hinc apud Statium

Sphinx galeae custos,

Thebaidos x. ; illa enim veluti galeae, totiusque armaturae tutela putabatur. Haec autem monstra ex Diis progenita, vel post interitum, in inferis aeternum vivere judicabantur: quare scitissime Virgilius *Aeneid.* vi. v. 286.

Centauri in foribus stabulant, Scyllaeque bifformes,

Et centum geminus Briareus, & bellua Lerna.

Theocritus quoque in *Hercule leonis interfessore* de Leone Nemaeco caelo ait:

Animam autem ingentem excepit infernus.

Gladium, veluti Martis imaginem a Scythis, & a Sauro-matis adorari, tradit D. Clem. Alex. *admon. ad Gentes*, Solin. lib. lxx, & Pomp. Mela. lib. 11. cap. 1. Atque per hunc Scythas jurare narrat Lucian. in *Jove Tragoe*do; quod idem de Alanis tradit Ammian. Marcell. lib. xxxi.

XXVI.

GENIUS EXERCITUS.

G Enios Exercituum novimus ex Nummis: par enim erat, ut postquam Augustis, Senatui, Populoque

que Romano suus Genius tributus erat, Exercitus etiam, qui alteram Romani Imperii potestatem continebat, Genio peculiari honoraretur. Sed quid miramur de Exercitu, Senatu, & Augustis, cum portis, domibus, thermis, stabulisque suos consueffent adsignare Genios? quod Prudent. contra Symmachum 2. 444. deridet.

X X V I I.

C A R T H A G I N I S S Y M B O L A.

Marti adjecimus victæ Carthaginis symbola, equinum caput, lancea obversa insignitum. Tale prorsus ejus Urbis insigne in nummis occurrit, quorum nonnulli nuper museo nostro accessere, & quorum plura retulit Ant. Augustinus *dial.* 6. Ratio hieroglyphici a Virgilio expetenda est *Aen.* 1. v. 445.

*Lucus in urbe fuit media, laetissimus umbra,
Quo primum jactati undis, & turbine Poeni
Effodere loco signum, quod Regia Juno
Monstrarat, caput acris equi: sic nam fore bello
Egregiam, & facilem victu per saecula gentem.*

Inde ejus punicum nomen adstruit idem Augustinus; quum enim a Stephano de urbibus KAKKABH dictum sciamus, caput equi eorum lingua significare idem autumat. Qua tamen ratione ductus, ignoro, nisi desumendum putaverit a radice קבא Gaba, quæ calvariam significat; illud nempe *caput acris equi*, quod Virg. *Aen.* 1. a Didone inventum in urbis suæ fundatione tradit. De hoc vero aliter sensi in *Epist.* vi. inter meas Roncallienses ad Cl. Oliverium datas, in qua kakaba esse putavi ipsum קבא hhachebi, quod vestigium pedis significat, scilicet idem ipsum quod קבא, aliud ejusdem urbis nomen, Graecis sonat. Lancae cusps cernitur in altero ex puniceis nummis apud eundem Augustin. quam tamen, propter similitudinem, tritici granum putavit: at nos dubitare non finit hujus Lucernæ typus, in quo mucro manifestissimus est. Tritici grana vix in ullo reperiri nummo arbitror; quum fere idem symbolum per spicas

cas expressum videamus. At lanceas habent nummi pluri-
 rimi, virtutis bellicae signum, quod apprime Afris con-
 veniebat. Ceterum ejus forma ejusmodi est, ut in mucro-
 nem recta ferrum non desinat, sed utrinque ancisum, &
 cavatum sit, quale protulit Fabrettus *Col. Tra.* pag. 180.
 Ephippii mollities antiquae Romanorum severitati pene
 ignota fuit. Cato *de lib. educandis* apud Nonium lib. 1.
Mibi puero modica una fuit tunica, & toga, sine fasciis cal-
ceamentum, equus sine ephippio. Hujus tamen in re milita-
 ri usum Caesaris aevo coepisse conjicimus ex eodem Cae-
 sare *de bello Gallico* l. iv. c. 2. *Nibil Germanorum moribus*
turpius, aut inertius, quam ephippiis uti. Itaque ad quemvis
numerum ephippiatorum equitum quamvis pauci adire audent.
 Quod haud recte, ut videtur, Dio ad Neronis tempo-
 ra retulit. lib. lxxiii.

XXVIII.

EQUES.

EXimii operis toreuma, in quo miles pedes incedens e-
 quum manu ducit, evulgatum est Tom. i. c. 79. Mu-
 sei Florentini, in cujus illustratione praeclarissimus Gorius
 conjecturam suam, mihi maxime probatam, protulit, evul-
 sum nempe illud esse ex aliquo veteri sepulcro; cujusmodi vi-
 dere est in alio veteri sepulcro adhuc superstite in via Ti-
 burtina, quod delineatum observatur inter sepulcra Sanctis
 Bartoli Tab. xxxvi. in quo ingens toreuma cernitur, Flo-
 rentino pene respondens: si excipias, quod in hoc postre-
 mo Eques nudus est, qualem Lucerna nostra exhibet. In
 eo siquidem pollebat sculptorum licentia, eorum praeci-
 pue, qui Graecos modos e Graecis exemplaribus imita-
 bantur, ut arbitrio quisque suo Romanum hominem He-
 roum more nudum figurarent. Quin & in duplici gemma
 (altera clarissimi Oliverii mei, altera, quam ex Museo
 nostro depromimus, quasque excudendas curavimus) bini
 milites pari gestu procedunt; alter quidem a dextera in
 sinistram, ut reliqui; in gemma vero mea e sinistra in
 dex-



dexteram. Denique parem exhibet caerimoniam nudus Eques in pictura Etrusca eximii operis apud Dempsterum Tab. xxviii. In nummo P. Licinii Crassi argenteo, qui in praefati Oliverii Museo lectissimo integerrimus servatur, miles vestitus cernitur, uti & apud Fabretum *Col. Trajan.* pag. 226. Quomodo vero res se haberet in sepulchrali toreumate Albani Vitalis, de quo exstat inscriptio apud Gruterum pag. dxix. num. 7. nequaquam compertum nobis est, propterea quod in schedis Pighii praetermissum fuit. Ejus tamen loco haec adscripta observantur. *In eo miles dextera equum freno retinens, laeva colligata basilis, adjacente scuto.* Quod quidem postremum equestris militiae gestamen toreumati huic nostro congruit, in quo miles parmulam brachio gerit. At in pictura Etrusca, utpote quae antiquiorem secuta est morem, scutum coriaceum cum parazonio sepositum pendet. Ex ipsa vero parmulae figura, quae velitum propria erat, militiae genus distinguitur: ita enim Livius lib. xxvi. *Gladiis a velitibus trucidabantur.*

Caerimonia, quae in allatis adhuc sculpturis repraesentatur, & a quibusdam pro *transvestitione* usurpatur; si vocis proprietatem spectes, nihil aliud refert, quam *cessionem* seu processum illum, quo ad Cenforum tribunal equites equum manu ducentes procedebant: quos quidem probatos, Cenfores sinebant abire; si vero quid vitii deprehendissent, equum adimi, aut divendi jubebant. Solebat id quidem singulis lustris fieri, ejusque rei exempla quamplura nobis suppeditantur a Livio lib. xxxix.

44. a Suetonio in *Caligula* cap. 16. num. 5. atque a pluribus aliis. Primo quidem id a Censoribus fieri consueverat, deinde Consules id officii usurparunt, uti ex veteri Persii *Scholias* colligitur *Sat.* 111. vers. 29. Ast ubi Imperatores omnia in se Reipublicae munia contulere, hoc item sibi sumere, ut ex eodem Suetonio in *Aug.* c. 38., & in *Calig.* constat; sed *transvectio* toto caelo distabat. Annua ea pompa erat, qua equites, non ambulantes, sed equis insidentes quotannis idibus Quintilibus ab aede Honoris in capitolium olea coronati procedebant. Diu mansit in Republica mos iste, a Quinto Fabio Ruliano, uti tradit Livius lib. 1x. 46., & Aurelius Victor cap. 32., institutus; sed Valerii Maximi aevo jam in defuetudinem abierat, sicuti ex ejus libro 1. colligitur. Usurpatum tamen *transvectionis* nomen pro *censione* quandoque vidi apud doctos viros, praesertim apud Sigonium, quem reprehendit Rosinus *antiquit. Roman.* lib. 1v. cap. 11. Imo, si varium in Urbe morem pro temporum vicissitudine perpendamus, facile reperiemus censionem cum transvectione confusam. Siquidem oblitterata jam transvectione illa annua, quae tantummodo pompae gratia celebrabatur, accidit, ut, quum Imperatores equestrem recenserent militiam, transvectionem facere dicerentur: inde Suetonius in *Augusto* loco citato: *Equitum turmas frequenter recognovit, post longam intercapedinem reducto more transvectionis. Sed neque detrabi quemquam in transvectendo ab accusatore passus est, quod fieri solebat; & senio, vel aliqua corporis labe insignibus permisit, praemisso in ordine equo, ad respondendum, quoties citarentur, pedibus venire.*

X X I X.

A R I E T A R I U S.

IN hac elegatissima Lucerna Arietarius miles arietem te-
 studine protectum, rotisque instructum custodit, ac di-
 rigit. Hoc tormentum, ad irati exemplum *pecoris capite se*
vindicantis, a Carthagenensibus inventum fuisse tradit Ter-
 Tom. II. D cul-

tullianus cap. 1. *de Pallio* ; utque nomen fortitum est ab iplo usu , ita par nomini ornamentum . Ioseph *de bello Judaico* Lib. 111. c. 9. *Aries trabs est praegrandis, malo navis assimilis, cujus summum gravi ferro solidatum est arietis effigie fabricato, unde nomen accepit, & paulo post, quatit muros prominulo ferro.* Tale prorsus hoc nostrum est, nempe acuminata fronte, ut graviori impetu discussis muris, ruinam faceret.

Pluribus modis aries agebatur, quos omnes quum scitissime recenset Vitruvius lib. x. 19. operae pretium erit integrum illius scriptoris locum, quamvis longiusculum, describere : *Primum ad oppugnationes aries sic inventus memoratur esse. Cartaginenses ad Gades oppugnandas castra posuerunt ; quum autem castellum ante coepissent, id demoliri sunt conati ; posteaquam non habuerunt ad demolitionem ferramenta, sumserunt tignum, idque manibus sustinentes, capiteque ejus summum murum continenter pulsantes, summos lapidum ordines dejiciebant, & ita gradatim ex ordine totam communitionem dissipaverunt. Postea quidam faber Tyrius nomine Pephastmenos hac ratione & inventione inductus, malo statuto ex eo alterum transversum uti trutinam suspendit, & in reducendo & impellendo vebementibus plagis dejecit Gaditanorum murum. Cetras Chalcedonius de materia primum basim subjeclis rotis fecit, supraque compegit arceclariis, & jugis varas, & in his suspendit arietem, coriisque bubulis textit, uti tutiores essent qui in ea machinatione ad pulsandum murum essent collocati ; id autem quia tardos conatus habuerat, testudinem arietariam appellare coepit.*

Haec omnia, & alia plurima ad veterem oppugnationem, atque propugnationem pertinentia, imaginibus calamo exaratis videre est in veteri MS. nostri Musei, in quo quidem quam scite, quamque ingeniose machinae plures, alioqui ignotae, expressae sint, vix explicari potest. Centum, & amplius schemata continet, trecentis, ut videtur, ab hinc annis delineata, seu potius ex antiquiori codice descripta ; multa enim ex imperitia pictoris rudiusculi errata irrepperunt, quae tamen vel ab iis, qui staticae studiis initiati sunt, facile emendantur. Libri hujus exemplar ad urbis nostrae Principes Sfortiadas pertinuisse comperimus, quum

quum eorum insignia non uno in loco reperiantur, neque ambigo, ab aliquo rei militaris, & staticae peritissimo, ad aliquem ex praefatis Principibus erudiendum, concinnatum fuisse.

X X X.

C E N T U R I O .

CEnturionis imaginem ostendit hac in Lucerna insigne vitis, quam is ad regimen designandum manu tenet. Plin. Lib. xlv. 1. *Centurionum in manu vitis opimo praemio tardos ordines ad lentas producit Aquilas.*

Inde Lucanus Lib. vi. v. 145.

..... ibi sanguine multo

Promotus Latiam longo fert ordine vitem.

Hanc militaris potestatis notam ab Etruscis sumtam esse, unde plurima militiae instituta profecta fuerunt, primus ego animadverti. In ejus Gentis picturis, quibus vasa, quae supersunt, decoravere, nihil frequentius occurrat, quam homines, qui pallio involuti ad aram accedunt, dextera intortam vitem gerentes, qua personae decus designaretur. Spectabilia praeterea sunt apud Dempsterum Tab. lxxi. coreumata quaedam rudiori stilo elaborata, quibus forte referuntur Ducum, aut Lucumonum imagines, quae dextera hastam, sinistra vero vitem, illamque frondentem gerunt; additis inscriptionibus, in uno ex faxis, Lartii Memii, in altero vero Mutii Titi, vel Titii, nisi characteres, eo in loco valde consumpti, me fecellerint.

X X X I.

R U D I A R I U S .

Quae hoc loco exhibetur Lucerna, inter militares praeter votum irrepsit, quum potius inter alias, quae ad spectacula pertinent, referre in animo habuisssem: in ea enim veteranum gladiatorem repraesentari existimo, qui ru-

de donatus, muneris bene gesti testimonium ostentat. Rudis erat virga impolita, seu bacillum ligneum, quo gladiatores, quibus permissum erat a gladiatorio munere cessare, donabantur. Inde tritum illud Horatii lib. 1. ep. 1.

Speſtatum ſatis, & donatum jam rude.

Huc fortasse referenda est alia Lucerna Sanctis Bartoli, in qua exhibentur gladiatores duo decertantes, quos inter medius certaminis Praefectus, gemina illis oblata rude, non tantum pugnam dirimere videtur, sed hoc etiam virtutis testimonio emeritos condecorare. Qui plura videre cupit, adeat Justum Lipsium *Sat. Serm. Lib. 1. cap. 15., & Lib. 11. cap. 23.* ubi de duplici rude doctissime, ut cetera, disserit.

XXXII. XXXIII.

MILITES.

DUO equidem, seu Imperatores, seu Tribuni, thorace instructi in duabus hisce Lucernis exprimuntur. Nihil in illis peculiare, nisi operis decor, & stili venustas. Alter scipionem attollit, quo Consules primum, deinde Imperatores, praesertim posterioris aevi, uti solebant: hic cburneus erat, aquilamque in summitate habebat. Aquilam in Lucernae typo deesse haud miror, quum minutiora haec ornamenta, ob operis difficultatem, etiam in Trajani columna, a sculptore omissa notaverit Fabrettus *in ejus illustrat. cap. 7. pag. 227.*

Potest etiam aliquis hic repraesentari ex Imperatorum filiis, qui Principes Juventutis primum inaugurabantur, & ejusmodi habitu, virgaque insignes exprimebantur, uti nummi evincunt.

XXXIV.

VULCANUS.

Forceps, & pileolus laconico more acuminatus Vulcanum prodit. Eadem omnino Vulcani imago occurrit in

in nummis gentis Aureliae, 'nisi quod barbatus ille ibi sit, pileoque laurea ornato decoretur. Haec vero insignia, forceps nempe, atque pileolus, item coronatus, incudini imposita in nummo Carisiae gentis observantur. Numen istud ab ipsis Urbis incunabilis Romae cultum discimus ex Varone lib. 1v. *de Ling. Lat. Sabinorum*, ait ille, *linguam olent, quae Tatii Regis voto Romae sunt dedicata. Nam, ut annales dicunt, vovit Opi, Floraeque, Dijovi, Saturnoque, Soli, Lunaeque, Volcano, Summanoque.* Hujus pileoli significationem prodidit Eusebius 111. *de praep. Evang. c. 11. Vulcani simulacro humana effigie figurato pileum imposuere caeruleum, quo significarent caelestem conversionem, ubi ignis est primigenius, & ab omni faece purissimus.*

XXXV.

CYCLOPES.

Opportunus est Virgilii locus *Georg. 1v. vers. 173.* ad hanc elegantissimam Lucernam illustrandam.

..... gemit impositis incudibus Aetna :

Illi inter sese magna vi brachia tollunt

In numerum, versantque tenaci forcipe massam.

Cyclopes tres numerat Hesioidus in *Theogonia* e Caelo, & Terra natos.

Brontenque, Steropenque, & Argen forti animo praeditum. Tres quoque Apollodorus Lib. 1. *Bibl.* in principio. Sed Arpen tertium vocat; *Vastos Terra e Caelo Cyclopes peperit, Arpen, Steropen, Bronten.* Virgilius vero *Aeneid. v. 111.* *Pyracmonem* substituit, v. 424.

Ferrum exercebant vasto Cyclopes in antro,

Brontesque, Steropesque, & nudus membra Pyracmon.

Horum nominum rationes prodit Servius in *v. 111. Aeneid. v. 425.*

XXXVI.

BACCHI PROTOMES.

Superiori volumine observavimus, saepe in vetustis monumentis tractandis plures ejusdem typi imagines occurrere: eas enim, quae ab insigni aliquo exemplari deductae erant, artifices modo in gemmis, modo in ebore, modo in aere, aut marmore, nec raro etiam in argilla, exprimebant. Id prorsus contigit in hac Bacchi protome, quae bene utraque comparanti, eadem plane est, atque illa aerea, quae habetur apud Chausseum *Simulac. Deorum* tab. 2. ; nisi quod ibi diademate caput revincitur, hic vero qua parte pampini capiti inhaerent, contortum, fortasse capillorum volumen visitur. Hic capitis ornatu, qui tribus fere affurgentibus pampinis conitar, nequaquam peculiaris est Baccho. Sigilla aenea Larium, seu Geniorum Etruscorum hoc ornamento decorantur, ob eandem prorsus causam, propter quam copiae cornu illi tribuebatur, quia nempe vim retinerent rerum omnium gignendarum, ut docet Festus.

XXXVII.

BACCHUS CORNIGER.

Bacchus in superiori Lucerna expressus est, qualis ab Ovidio *iv. Metam.* describitur :

..... *Tu formosissimus alto*

Conspiceris caelo.

Hic vero corniger, ore truculento, atque minaci effingitur. Differentiam idem Poeta loco allato designavit.

..... *Tibi, cum sine cornibus adstas,*

Virgineum caput est.

Cur vero cornua illi tribuerentur docet Festus; *Cornua Liberi Patris simulacro adjiciuntur, quem inventorem vini dicunt, & quod homines nimio vino truces fiant, ut belluae: seu, ut Physici volunt, quia quum igne genitus dicatur, flammae assurgentis apices cornibus imitetur.* Hinc apud Orpheum

in

in Hymnis est *ταυροκorniger*, & *βικornis*, taurocorniger, & bicornis; illumque inventum in scopulis cornutum infantem a Corybantibus fabulatur Nonnus *Dionys.* Lib. xii.

Faces ad ejus nocturna orgia referuntur, quas splendentibus taedis celebrari noctu consuevisse, notum est in sacris. Unde Phausterius appellatur a Lycophrone, quod facibus uteretur: itemque Nyctelius, quia nocte ejus sacra perficerentur, & igne lucens ab Orpheo. Hae vero taedae illi arma fuerunt, quum adversus gigantes pugnavit, ut tradidit Nonnus *xlviij. Dionys.*

*Et igne pugnabat Bacchus in aera lampada jactans
Hostium interemptricem, per altigradam vero viam
Bacchiaca per se voluta currebat saliens flamma,
Membra percutiente scintilla, irruens in gigantes.*

XXXVII.

BACCHI BIGA CENTAURIS VECTA

Quum Lucerna haec idem fere argumentum contineat, quod insignis gemma Musei Carpinei, quam doctissimus Bonarrotius illustravit, nil prorsus est, quod tanti viri opibus suppetias feramus: quare liber ille adeundus est.

XXXIX.

BACCHUS ΑΡΚΑΤΟΦΟΡΟΣ.

Ita in Phigalia Arcadiae oppido vocatus est Bacchus, ut refert Pausanias *Arcad.* quasi meri portator; quo etiam nomine vas ad merum ministrandum dictum est. Hac autem appellatione nuncupare praesentem ejus effigiem non dubitavimus: siquidem ad vini inventum ostendendum ex diota in cantharum infundere vinum videtur. Adstat tigris ejus pompae socia. Rationem reddit Tibullus lib. iiii. eleg. 6.

*Armenias tigris, & fulvas ille leaenas
Vicit, & indomitae mollia corda dedit.*

XL.

X L.

BACCHUS DOLIO INSIDENS.

VEnustissima haec Bacchi effigies summa artis elegantia efficta, facile ex aliquo celeberrimo signo expressa est. Memini liquidem me non absimilem imaginem, ex antiquo exceptam exemplari, vidisse inter plurimas statuarum icones in aes incisas. Corona ex rosis elegantissima Lucernam ambit. Nihil floribus Baccho familiarius, atque discumbentibus. Ovidius *Fast.* v. v. 345.

Bacchus amat flores: Baccho placuisse coronam

Ex Ariadnaeo fidere nosse potes.

Quare *Athen.* floridus ab Atheniensibus, & Patrensisbus dictus est. Ita Pausanias in *Achaic.* Catullus quoque *Carm.* LXIII. vers. 251.

At parte ex alia florens volitabat Jaccbus.

X L I.

GENIUS BACCHI.

BAcchi Genium testantur tum pampini, & uvae racemi in limbo Lucernae dispositi; tum vero, quod alter ebrius alterum labantem totis viribus sustinet. Nomen Genii Bacchici servavit nobis Pausanias in *Attic.* Acratus ille dicebatur, quod graece merum audit.

At quia Genii Deorum suorum officia exprimentes fingebantur, fortasse hic non Bacchi Genius exhibetur, sed Sileni ebrii, atque cadentis, quem Genius alter regit; namque sic fere semper Silenus exprimitur. Ovidius de *Art. Am.* Lib. 11.

Ebrius ecce senex pando delapsus afello;

Clamarunt Satyri, surge, age, surge Pater.

Ex

D E A L I B E R A.

Bacchi conjugem hic repraesentari existimo, quippe quae omnibus fere symbolis Bacchi viri sui exornetur. Ita Ovidius 111. *Fast.* v. 515.

Tu mihi juncta toro, mihi juncta vocabula sumes;

Nam tibi mutatae Libera nomen erit.

De illa meminit Cicero de *Nat. Deor.* 11. *Nostri majores auguste, sanctaeque Liberum cum Cerere, & Libera consecra-*
verunt. Vossius in v. *Delubrum* vocat eam *Klapp.*

X L I I I.

L E N A.

LEnae, Graecis *Ληναι*, Nymphae torcularium sunt, quas tres memorat Theocritus in earum *Idyllio*; dictae a *Ληναι* torcular; unde *Ληναι* Bacchus vocatus est, *Ληναι* festa bacchica. Ejus itaque insigne gestat, amphoram vino reponendo aptam. Ipsa coronata est; capilli vero soluti ad humeros usque dependent. Sic Bacchas describit Ovidius *Met.* 1v. v. 6.

..... crinales solvere vittas,

Serta coma, manibus frondentes sumere thyrsos
Jusserat.

X L I V.

B A C C H A T Y M P A N I S T R I A.

Baccha aestro Dei sui concita, velum turpiter vento extollente, thyasum agit, & psallit, ac tympanum manu percutit. sic apud Ovidium *Met.* 1v. v. 29.

Femineae voces, impulsaque tympana palmis.

Hoc fere gestu Bassaridem in pugna adversus Indos describit Nonnus *Dion.* xiv.

Tom. 11.

E

Alia

*Alia vero in manibus detenta saltu rabido
Manibus circum pulsans graviter trementia dorso bubuli corii.*

X L V.

B A C C H I P O M P A.

PLura ad Bacchi pompam spectantia in hac Lucerna observantur. Minister (fortasse Ampelus) nudus reluctantem arietem totis viribus trahit. Hoc inter mysteria Bacchi interfuisse scribit Plutarchus *de Cupid. divit.* ubi Bacchanale describens ait: *tunc aliquis caprum traherat.* Sidonius vero *Paneg.* vii. non caprum, sed hircum tractum docet. *Ducebat olivae marem capellae:* & Virgilius *Georg.* i. ver. 395.

Et ductus cornu stabit sacer hircus ad aram.

Parerga circum disposita orgiis alludunt. Cymbala loro suspensa pulsari solita in ejus comitatu refert Nonnus *Dionys.* xiv.

Cymbala quatiens graviter sonantia duplici ferro.

In Bacchanalibus antiquis frequenter observantur; ita & tibiae, quae dispaes apparent. Eas inter Bacchi mysteria describit Herodotus in *Euterpe*: *Praecedat autem tibia, atque illae cunctantes sequuntur.*

Thyrus, circa quem mysticus serpens volvitur, proxime ad pedum accedit. Ne tamen id temere a sigillatore factum suspicemur, animadvertere oportet Paniscorum suppellectilem in orgiis quoque frequenter adhibitam: ex quo enim coeperunt Satyrorum imagines in prodigiis iis sacris adhiberi, eorum item insignia in eisdem religio haud respuit.

Herma quoque Bacchica in hisce toreumatibus saepissime occurrit: nam illam circumferri solitam tradit Herodotus in *Euterpe*: *Pro phallis excogitarunt imagines, cubiti magnitudine, quas circumferunt mulieres per agros.*

Figlinae nota literis extantibus eminet, quibus ex officina Flavia, quae alioquin nota est, elegantissimam Lucernam prodiisse docemur.

XLVI. XLVII.

SILENI.

S Atyri ridentis protome, scitissimi artificis opus, prominet in Lucerna Tab. XLVI; nebride ille ex humero dependente insignitur. Satyros, & Faunos Bacchi sectatores, scriptores fere omnes tradunt, quos inter Orpheus in *hymno Sileni*. Hinc Ovidius 14. *Met.* v. 25.

..... *Bacchae, Satyrique sequuntur.*

Sequentis Lucernae typus Faunum refert fistula canentem, subnixum ingenti pedo, qualem eodem loco descripsit vers. 26.

*Quippe senex ferula titubantes ebrius artus
Sustinet.*

Faunum similem humanis pedibus, auribus vero caprinis fistulam inflantem refert Bonarrotius pag. 252. *Musei Carpinei*.

Fauni caput elegantissimum videre est in Lucernae, ut puto, operculo, quod unicum ad me haecenus delatum est. Constat ex argilla nigerrima, assurgente sinistrorsum manubriolo perforato.

XLVIII. XLIX.

FAUNI.

Qui veterum monumentis evolvendis operam navant, ii frequenter toreumata offiendunt fictilia, optimum plerumque artificem nata: erant enim prolusiones quaedam, quas sibi sculptores proponebant, antequam ad marmora elaboranda manum admoverent, uti ex Plinio colligimus, qui Lib. xxxv. cap. 12. ait, *venisse in tantum plasticæ artem, ut nulla signa, statuæve sine argilla fierent, & Praxitelem, qui plasticam matrem statuariae dicebat, nihil unquam fecisse, antequam finxisset*. Ex optimis ergo exemplaribus, quae sibi sculptores in marmore exprimenda proposuissent, typis formatis, innumera ectypa educta.

Tom. II.

E 2

ducta

ducta sunt, quae musea omnia exornant. Ex his plura in museo Arditio, Oliverio, & nostro asservantur: plura etiam in Baldassinio, quae nobilium aedibus exornandis intersisse argumento est, quod deaurata fuisse cognoscantur.

In primo fragmento alter e Silenis vinum ex uva exprimit. Fortasse Bacchus ipse hic exprimitur, qui aliquando hirsutus expressus est: ita Cornutus in *Satir.* 1. Perlii. *In Graecia duae fuerunt Liberi patris statuae, una hirsuta, quae dicebatur Briseis, altera levis, idest, sine pilis, quae dicebatur Lenaeis.* Alter vero ficubus, ut ego quidem arbitror, redundantem cistam attollit. Hoc ad orgiorum mysteria pertinebat. Plutarchus de *Cupid. divit.* Bacchanale describens, haec refert. *Sequebatur alius calatibus fisis plenum gestans, tum aliquis caprum trabebat.*

In sequentis tabulae coreumate, cuius alterum eAetypum Urbini olim vidi in aedibus Cl. Fabretti, eadem mysteria fere referuntur, nisi quod Silenorum alter utrem vini elevans seni ostentat.

L.

TROPÆUM BACCHI.

GRande tropaeum Satyri Baccho eorum duci suspendunt, Tragocranium; capri nempe immolati nudum caput; at mole tam impari, ut in eo artificem luisse nullus dubitem. Cur Bacchi odia caper meritus sit, causam avertit Virgilius *Georg.* 11. v. 376.

*Frigora nec tantum cana concreta pruina,
Aut gravis incumbens scopulis arentibus aestas,
Quantum illi (victi) nocuere greges, durique venenum
Dentis, & admorso signata in stirpe cicatrix.
Non aliam ob culpam Baccho caper omnibus aris
Caeditur.*

& Martialis *Lib.* XIII. 39.

*Lascivum pecus, & viridi non utile Baccho,
Dat poenas, nocuit jam tener ille Deo.*

Huc referenda erat capra, quae sub vite latitans in fragmen-

to Tab. lvi. Pisauri in domo mea reperto Nafonis minas
non expavit .

*Rode caper vitem , tamen hinc quum stabis ad aram ,
In tua quod spargi cornua possit , erit .*

L I L I I .

O S C I L L A B A C C H I C A .

Virgilius Georg. ii. v. 386. festa a Satyris in honorem
Bacchi peracta ita describit ,
*Versibus incomitis ludunt , risuque soluto :
Oraque corticibus sumunt borrenda cavatis :
Et te Bacche vocant per carmina laeta , tibi que
Oscilla ex alta suspendunt mollia pinu .*

Duo igitur personarum genera in sacris Bacchicis adhibita
esse intelligimus , alterum , quo os , & caput contegerent ,
sed ore patulo , quales larvæ scenicae fuere , ut libera vo-
ce ejulatus , & carmina illa incomita emitterent , quorum
plura exemplaria Lucernae sequentes suppeditabunt ; al-
terum vero , quod humana ora imitaretur , & quod , veluti
anathemata , sive donaria , Baccho dicaretur . Ad hoc
pertinuisse puto duas has bacchantum effigies , quae ore
clauso primo usui ineptae erant ; harum postrema id pe-
ne singulare , ac notatu dignum praefert , ut ex vitta ,
qua caput cingitur , lemnisci pedes tigridis referentes de-
pendeant .

L I I I . L I V . L V . L V I . L V I I .

L A R V A E .

Cur Larvæ scenicae Baccho convenient , supra indi-
cavimus . Accedit , quod ille habitus fuerit comoe-
diae , & poësis dramaticae auctor , uti pridem notavit
Chaussæus Mus. Rom. de Bullis .

Parergi loco singulis Lucernis Bullas duas fictiles subdi-
dimus , paris cum exemplari magnitudinis , in quibus Bac-
cha-

charum, Silenorum, Satyrorumque horrendae ut plurimum imagines referuntur. Ex his plures Romae jam tum adolefcens collegi, ceteras ad me amantissimus Joannellius ex agro Tuderte collectas transmisit. Prominent in his veluti acumina retrorsum perforata, uti scirpo, vel filo transadigi posse videantur. Scrutanti mihi horum signorum notitas, in mentem venit bacchantium humilioris notae vittas, corollas, & fecta potuisse illis exornari, quum praecipue in eis veteris rubricae signa subsistant; plane ad instar gemmarum, quas in Bellonarii vestitu animadvertit, atque illustravit inter Donianas Inscriptiones Cl. Gorius. Profecto illam, quae Tab. LVI. relata est, quum quatuor in partibus pertusa sit, ad hujusmodi ulum apeatam fuisse dubitari vix potest.

Postrema eadem elegantissimi operis Lucerna Tab. LVII. tibias, crotalos, & syringam, Bacchica instrumenta, exhibet; cum his cithara quoque connumeratur: in ejusdem enim Bacchi orgiis omnimoda musicalia instrumenta intervenerunt, nec injuria; Musas enim aliquando cum Baccho peregre profectas narrat Diodorus Siculus Lib. III. ac percelebris est opinio Macrobianae, imo & Virgilianae, qui Bacchum eundem esse cum Sole contendunt. Quapropter de Baccho memoratus Maro canit:

..... Tu formosissimus alto
Conspicieris caelo.

L V I I I. L I X.

P O M O N A.

P Omonae imaginem duabus hisce Lucernis contineri existimo. Prima enim calathum fructibus refertum capite gestat, pomumque dextera manu tenet. Altera vestis sinum pomis onustum ostendit, encarpis ex frondibus, fructibusque concinne efformatis, undique circumdata. Calathos, & modios, quorum par erat ratio, & mysterium, Deorum capitibus promiscue impositos observavit Bonarrotius ad num. Getae 1. *Musei Carpinei*, qui eorum originem

nem ductam putat a rudi illo primaevae sculpturae instituto, quo super Deorum capita aequam aliquam, & planam partem relinquebant ad columellae formam, ut donaria, & libationes, quae super ea simulacra deponi consueverant, commodius consisterent. Arte demum adulta, pars illa ad venustatem in modii, seu calathi speciem concinnata fuit, donec hoc capitis decus abiit in signum divinitatis. Fortasse non casu, sed consilio hoc gestamen quorundam Deorum capitibus additum est, uti per illud fruges, & poma significarent, quibus hominum alimentum ab iis naturae praesidibus impertiri demonstraretur. Quapropter Aegyptii, quibus hoc attributum magis commune fuit, Isidi praecipue, atque Serapidi illud imposuerunt, ut notum est.

Hujusmodi simulacrorum ornamenta Etruscis fuisse ignota, conjicere licet, quod in nulla adhuc, seu pictura, seu sculptura illius gentis apparuerint. Ab Aegyptiis vero ad Graecos, & Romanos transiere, inter quorum numina Genius hoc symbolo insignitur; item Pan, cujus marmoream imaginem ex aedibus Vallengium edidit inter statuarum icones Eques Maffejus. Alterius quoque muliebris statuae mole colossaea truncus deformatus, qui, ut memini, in cavideo Farnesiano Romae jacebat, prominentem calathum interne vacuum capite gerebat; ut vel pomis, vel frugibus, vel denique mysteriorum ineptiis continendis, ita effectum esse videretur. Cererem, ni fallor, referebat. Horum vero omnium par erat ratio, non secus, atque in Aegyptiis, ut eis modius attribueretur. Encarpi inter primaeva Deorum donaria reputantur, quum antiquiora Deorum sacrificia frugibus, ac terrae fructibus perficerentur. Pomonae autem pomorum praesidi, jure patrocinii conveniebant eo prorsus modo, quo coronam pomis efformatam Vertumno offerri ab olitoribus tradidit Propertius Lib. IV. *Elég. 2. v. 17.*

*Insitor hic solvit pomosa vota corona,
Cum pyrus invito stipite mala tulit.*

L X. L X I.

P R I A P U S.

Hortorum custos, & tutela Priapus inter pomiferas arborea, adolescentuli specie, poma tuniculae sinu collecta offerens, legem edicere videtur, quae in obsceno carmine legitur.

*Quod meus hortus habet, sumas impune licebit,
Si dederis nobis, quod tuus hortus habet.*

In altera Lucerna Satyrus veteranus, atque deficiens ingentem phallum humeris bajulat, atque ita sub onere fatiscit, uti se tanto ponderi imparem esse prae aetate fateatur. Vidi olim delineatum ex museo Burghesio Mutini simulacrum, humeris colligatum phallorum bajulans fasciculum. Si quis vero minime probaverit haece imagines ad Priapum pertinere amandet illas, ut libet, ad foeda orgiorum mysteria, inter quae Phallophori, turpes illas imagines deferentes, connumerantur, uti refert Suidas.

L X I I.

T E R M I N A L I A.

Apprime hic congruit illud Ovidij *Fastorum* 11. v. 18. ubi Poeta de Termino loquens, ait.

*Te duo diversa domini de parte coronant,
Binaque ferta tibi, binaque liba ferunt,*

Eundem morem suspendendi Termino florea ferta indicavit Tibullus Lib. 1. *Eleg.* 1. v. 17.

*Nam veneror, seu stipex habet desertus in agris,
Seu vetus in trivio florea ferta lapis.*

Neque ideo tamen negaverim Priapum a matronis in hac Lucerna coronari; siquidem ipse Priapus testatur:

Mibi corolla picta vere ponitur.

Ne, quae in obsceno carmine de Telethusa habentur, repetamus.

LXIII.

LXIII. LXIV.

GENIUS DOMESTICUS.

I Magines adolescentium pincernae habitu efformatorum, quae aeneae passim in Museis occurrunt, atque vulgo Pocillatores audiunt, peculiari dissertatione Joannellio meo inscripta, quaeque brevi in lucem proditura est, explicavimus, neque in illis quidquam contineri, nisi domestici Genii imaginem comprobavimus. Multa ibi de eorum religione, atque cultu disseruimus, quae, ne hic frustra requantur, consulto praetermittimus. Imagines vero, quas modo proferimus, in eorum censu esse reponendas, minime dubitamus, respondentibus undique symbolis.

Hic noster, tanquam festo die coronatus apparet; nam hujusmodi coronae decus capiti ejus festo die imponebatur, illo, inquam, die, quo quisque natalis sui solemnia concelebrans proprium Genium profusius venerabatur. Hinc Tibullus Lib. 11. eleg. 2. in *Cerintibi natali* ita precatur v. 5.

Ipse suos adsit Genius visurus honores,

Cui decorent sanctas mollia fersa comas.

Vinario vase demum, & floribus ornatus adest, quibus ipsum summopere delectari reputabant. Horatius *Epistolarum* Lib. 1. epist. 1. vers. 146.

Tellurem porco, Sylvanum lacte piabant,

Floribus, & vino Genium memorem brevis aevi.

In sequenti Lucerna Genius vinum in mensam effundit. De hac religione fufius tractatum est in praedicta dissertatione, quo in loco antiquorum mensas admodum parvas fuisse, uti haec Lucerna ostendit, indicavimus. Praesertim vero Etruscarum picturarum exemplis confirmavimus, antiquiores mensas vix uni catino sustinendo pares fuisse, constante adhuc primaeva victus simplicitate, quae successiva illa sibi succedentia ferculorum nomina, atque epulas epulis imminentes execrabatur.

L X V.

C O M U S.

COmi imaginem ex Equite Maffeo protulit Montefalconius. Verum ea, non Comum, sed Hymenaeum repraesentari, nemo ibit inficias; qui Tabulam xxxviii. Tomi i. operis nostri inspexerit, quae eandem ipsam imaginem, eodemque ipso habitu, symbolisque exhibet, addito praeterea in Lucernae disco librali asse, qui rem in aperto ponit. Par erat ergo, ut nostra Lucernarum supellex, quae veram Hymenaei imaginem detexit, suam quoque Como restitueret, ut in posterum in Deorum censu ipse quoque appareret; quod Lucerna elegantissima, quam hic proferimus, praestabit. In ea enim Comum convivii Deum exhiberi haud levibus argumentis ductus existimo. Nam quum Diis propriorum officiorum attributa addiderint Veteres, recte faciem, quae Genio alioqui minime convenit, illi subiecerunt, & vini amphoram; quum haec omnia Como conveniant, quem Philostratus in *Imagin.* 3. quum describat, ait in ejus militia auctorari juvenes, qui coronati noctu cum facibus, & musicis instrumentis, vino redundantes ad amicarum fores procaciter lasciviebant. Nomen illi a *Κομος*, protervia, lascivia, saltatio, &c. Unde Varro Lib. vi. L. L. deducit comestationem, & comœdiam. Hinc Crepalocomus ebriorum hymnus ex Aristophane in *Ranis*.

L X V I.

F O R T U N A.

NOtandum sane Fortunam cum Diana confundi ab Orpheo in ejus hymno. Eam enim, quam *Πορτα* vocat, appellat postea *Αρτεμις ὀρμητοῦ*, Dianam ducem; cujus sententiae rationem eam fuisse puto, quod Fortunam nil aliud esse putarent, quam astrorum, & ipsius Lunae influxus,

fluxus , unde inopinati eventus procederent . 43

Hanc sedentis habitu quandoque effingebant , quo ejus perennitatem sibi augurabantur . Talis in nummo Commodi observatur , addita epigraphe FORTUNA MANENS.

L X V I I .

F O R T U N A S T A N S .

Fortunae stantis signum ita describitur a Pausania in *Corinthiis*. *Fortunae signum alto statu*. Quod scriptor adnotavit , quia sedentis habitu plerumque fingeretur . Hoc tamen typo a Romanis frequentius exprimebatur , praesertim in nummis . Duas etiam Fortunas venerati sunt Veteres , bonam unam , malam alteram ; inde in nummo Rustiae gentis Fortunae Antiates duplici simulacro repraesentantur . Sed & tres Fortunas illos coluisse evinci potest ex nummis inferioris aevi , in quibus sub triplici imagine *Fata* exhibentur ; siquidem fata cum Fortuna saepe ita confunduntur , ut discerni vix possit , fatum esse de maximis , & publicis , fortunam vero de privatis rebus .

Duo cornucopiae fructibus omnis generis plenae quandoque Fortunae , quam cognomento felicem nominabant , quandoque Concordiae tribuebantur , uti Bonarrorius notavit ad nummum vii. Commodi , & xv. Philippi .

L X V I I I .

S E R P E N S .

Serpentem pervetustum divinitatis symbolum Aegyptii obtruserunt , a quibus ceterae nationes errorem ebiberunt , & in ejusmodi insaniam prolapsae sunt , ut quod symbolum olim fuerat , verum Deum esse existimarent , uti tradit Vossius *de Idol.* Lib. iv. c. 63. Inde processit ut Babylonii summo cultu eum venerati sint , quem sustulit Daniel ; atque ut a Romanis sub serpentis specie Genius universalis naturae Deus cultus fuerit : inter cujus munera

quum valerudinem in primis reputarent, factum puto, ut Saluti Deae, atque Aesculapio serpens potissimum tribueretur. Serpenti igitur, sive Aesculapii, & Salutis Genio, sive ut alteri peculiari Deo, cui propriam divinitatem attribuerent, pene semper pateram libandam apposuerunt; proinde frequentior Salutis typus fuit, mulier serpenti ex ara prodeunti libum porrigens. Hic vero caput erigit, & altari, in quo patera stata est, rictum admovent.

L X I X.

AESCULAPIUS, HYGIA, TELESOPHORUS.

HAec tabella marmorea, ut opinor, voto suscepto alicui templo suspensa in acceptae salutis testimonium, in agro Tuderte prope villici lectulum servabatur, qui sub illa ethnicarum imaginum triade, Sacrae Familiae, quam Christiani omnes impense veneramus, simulacra verebatur. At Jovannellii mei monitis excitatus tabellam reprobavit, quae Museo meo addita est.

De hoc trium Deorum nexu pauca admodum dicenda supersunt, quum illum luculenter illustraverit Bonarrotius ad nummum L. Veri 11.. Corona laurea, qua totum opus concluditur, peculiari religione Aesculapio sacra erat. Festus: *Laurea coronatur, quod hanc arbor plurimorum sit remedium*. Fortasse etiam laurus illi attributa est in memoriam Apollinis genitoris.

Peculiare sane est Aesculapium sinistram panno obvolutam gerere, quod etiam in altero Deae Salutis typo observamus Tab. LXXIII. neque hoc graeci pallii, quo velabatur, proprium erat, nam in nummo majoris moduli Epidauriorum Juliae Mesae inter Farnesianos sinistram exsertam gerit; manusque ejus nudas commemorat simulacrum illius describens Pausanias in *Corinth.*. Imo Ovidius *Metam.* xv. ejus imaginem describens, qualis in Aede Epidauri colebatur, ait.

.....baculumque tenens agreste sinistra,
Caesariem longae dextra deducere barbae.

Qua-

Quare in tabella nostra Romanae religionis mysterium contineri puto, atque ob eandem rationem, qua Fides manus operas habet, sinistram Aesculapio velatam fuisse.

Hygia globos tres, sive pharmacorum pilulas gerit. In arca etiam Cypheli feminarum imagines fuisse iisdem symbolis insignitas constat, uti refert Pausanias *El. prior.* Atque feminae, cum pistillis pilas praeferunt, medicamentorum artem calluisse arbitrantur. Quo argumento fretus sigilla quaedam Etrusca, quae manu pilas ejusmodi continent, Deae Saluti, quam *Juualisiam* appellabant, ego autem Valentiam, seu Valetudinem sum interpretatus, fidenter assigno.

Telephorus capiti modium impositum gerit. Gestamen istud, de quo nonnulla tetigimus Not. LVIII., Diis illis tribuebatur, quorum beneficio vitam ali, servarique reputabant, quod salutaris huic Deo apprime conveniebat.

L X X.

SALUS IN LECTULO JACENS.

Reclinata in lectisternio Salus pateram porrigit, veluti sumtura de sacris epulis, quae in tripode adstante afferri contingeret. Pendet e sponda Telephori cucullati imago, non modo ut focii, verum etiam ut officii sui administri.

Deorum imagines in lectisterniis reclinandi institutum religiosissimum putabatur. Quippe, ingruente periculo, nihil sanctius, nihil augustius fieri posse crediderunt, quam Diis per pulvinaria, lectulosque in ipsis templis dispositis epulas apponere. Morem explicat Livius Lib. v. ad an. 336. *Tristem biemem gravis pestilensque omnibus aestas excepit. Lectisternio tunc primum in urbe facta, per dies octo Apollinem, Latonam, ac Dianam, Herculem, Mercurium, atque Neptunum tribus, quam amplissime tunc apparari poterat, stratis lectis placavere. Privatim quoque hoc sacrum celebratum est.* Libro quoque VII. memorat anno 390. pacis Deum exposcendae causa, tertio tunc post conditam Urbem

bem lectisternium fuisse, ludi tunc primum ex Etruria acciti. Quanquam vero priore illo aevo lectisternia adeo rara fuerunt, ut illorum in fastis mentionem habitam fuisse videamus, posterioribus tamen seculis, ut idem recenset Lib. xxxvi. in quibusdam fanis majori anni parte fieri consueverunt.

Seratis igitur sumptuosissimis lectulis Deorum simulacra more procumbentium in illis disponi solebant. Servius in *Georg.* 111. *Pulvinar, lectulus, in quo Deorum statuæ reclinabantur.* Epulae vero, quae illis erant appositae, olim a Sacerdotibus consumebantur; hinc in Saliari

Omnia dapatilia comisse Fani Cusones.

Anno vero Urbis 554. primum 111. viri Epulones facti sunt, C. Licinius Lucullus, P. Manlius, qui legem de creandis his tulerat, & P. Porcius Laeca, uti refert idem Livius Lib. xxxiii. cap. 42., quorum munus erat sacra haec procurare; deque illis, utrum rite, nec ne facta forent, sententiam dicere.

Quod si placet in hac tabella votivum donarium agnoscere, cum aegrotæ mulieris imagine, liberum cuique esto iudicium, quum nihil vetet in re dubia alterutrum reputare.

L X X I.

SALUS JACENS CUM SERPENTE.

EXiguum hoc simulacrum Salutis fictile, quod ex numero anathematatum fuisse reor, cum praecedente consonat, quippe in pulvinari reclinata jacet, qua solemnī caerimonia Deos sibi magis propitios, pacatosque fieri Veteres autumabant. Serpenti insuper ex patera libum porrigit. Hoc ferme modo Salus in lectisternio jacens exprimitur in Numismatibus Farnesianis maximi moduli Neronis, quae tamen ad quartum seculum pertinent, quum ex iis sint, quae *crotoniati* appellant.

LXXII.

L X X I I.

SALUS SUPER PEDIS FIGURAM RECLINATA.

Forte hic Ilithya, sive Lucina refertur, quae super gigantei pedis imaginem, lectuli loco, jacens, veluti dolens oransque, non sine tamen majestate, parientis angustias exprimit. Pes, cui, pulvinaris loco, insistit, Ili-di, seu Lunae, quae eadem, ac Lucina erat, uti veterum monumentis collatis, atque illustratis probavit Fabretus Inscriptionum Cap. vi. sacer erat. Proinde haud mirandum est Lucinam ipsam rei sibi sacrae insistere, ac veluti in lectisternio recubare.

Sed quia in his Monumentis illustrandis, quae certam aliquam, atque indubiam sui notam non servant, difficile est pedem figere, & indubitam ferre sententiam; liceat mihi suspicari parientis feminae votivam imaginem hic repraesentari, ac proinde inter ea anathemata censendam esse, quae voti compotes feminae Deorum fanis suspendebant. Liberum sit cuique judicium; nobis quid sine incertitiae nota dici possit indicasse sufficiat.

L X X I I I.

SALUTIS ANATHEMATA PEDES VOTIVI.

Fictiles pedum imagines, non Lunae tantum, sed Salutis etiam dicatas fuisse argumento sunt innumerae illae, quas ex Luco sacro Veterum Pisaurensium, ubi inter ceteras ara Salutis exstabat, erui observavimus. Accedit in nostro hoc anathemate serpentis figura, quae in patera pedi superimposita libamen suscipit, obvium Salutis symbolum; ex quo commonemur nullam cum aegritudine ex morfu serpentis infecta affinitatem haec signa conservare.

Itineris alicujus fauste expliciti memoriam continet altera imago pedis, addita epigraphe. *Faustos redire*. Fortasse

se gemini pedes fuere, in quorum dextero boni ominis formula huic superiori respondebat *Faustus Ire*, utraque enim occurrit in marmoribus. Capricornus inter faustioris fortunae omina sumtus fuit, utpote

.... *In Augusti felix qui fulserit ortus*, ut canit Manilius 11. 499. Quare Suetonius in ejus vita c. 94. *Tantam fiduciam sui Augustus habuit, ut thema suum vulgaverit, nummumque argenteum nota sideris Capricorni, quo natus est, percusserit*. Itaque feliciter coepta itineris faulse complendi, ac fortunati reditus velut omen sumi jure potuit.

Sed felicius etiam omen per Capricornum significari dicendum erit, si Macrobius audiamus Lib. 1. c. 12. *in Somn. Scipionis*. Capricornus, ait ille, *Deorum porta est, quia per illum animae in propriae immortalitatis sedem, & in Deorum numerum revertuntur*.

L X X I V.

CANDELABRUM VICTORIAE.

A Vulsa superiori Lucerna, ipse pes candelabri superstes Victoriam gradientem exhibet, quae humero infixum hastili tropaeum gestat: ac tam modica mole exuviae illae sunt, si comparentur staturae Victoriae, ut haec fere sexuplo procerior humana mensura videatur. Namque hoc augustum, atque admirandum de Diis suis ferebant antiqui, ut gigantea mole, quandoque etiam prodigiosa, illos esse dictitarint. Ita apud Tacitum 11. *Curtio Rufo oblata est species ultra modum humanum*. Quod confirmat Plinius *Epist.* Lib. VII. XXV. *Offertur ei muliebris figura, humana grandior, pulchriorque*. Et Suetonius in *Claud.* c. 1. ait *Drusum hostem insequi non prius destitisse, quam species barbarae mulieris humana amplior victorem tendere ultra sermone latino prohibuisset*. Ita Neptunus apud Homerum *Iliad.* N. tribus passibus a Samo in Aegan pervenit: rursusque talem clamans emisit vocem in *Iliados* ̄ v. 127. qualem novem, aut decem millia armatorum elevarent. Idem fere
de

L X X V. L X X V I.

VICTORIA GRADIENS CUM PALMA,
ET CORONA.

Ingentem palmam altera manu sustinet Victoria in duabus hisce Lucernis, a quarum magnitudine eximia Palmarem Deam vocat Apulejus *Metam.* Lib. 11. . Porrigit autem altera coronam, quam ipsa victorum capiti inferere putabatur. Sic Ovidius *Tristium* 11.

Ponat & in nitida laurea ferta coma.

Notandum discrimen est, quod inter duas has Victoriae imagines intercedit; altera enim dextera sertum gerit, altera vero sinistra. Id autem incauti sigillatoris incuriae tribuendum puto, qui in typo lauream quidem in dextera aptavit Victoriae, nequaquam cavens in ectypo contra prodituram. Hujusmodi sphalmata quaedam animadvertimus superiori volumine ad Tab. XVI.; ante nos vero Fabretus ad *Tabul. Iliacam* p. 316. Imagunculae omnes recte olim in suo ectypo excavatae inversam, & contrariam formam assumserunt. *Visitur namque, si bene memini, Pax laeva manu face subdita arma incendens; Abundantia dextera cornu Amalibae ferens, sinistra aliquid innuens; Flaminica pateram super ara laeva pariter invertens; & muliebre aliud simulacrum huic Flaminicae ramum sinistra porrigens: alioqui enim vix credibile esset, quod vasculum, ceteroqui consumatissimae artis, transmutans dextera laevis, sponte sua opifex eo pacto deformasset.*

L X X V I I.

VICTORIA GLOBO INSISTENS.

Dubiam vocavit Victoriam Ovidius *Metam.* Lib. VIII. quod, bello furente, ambigua inter utramque partem recta lance pendere videatur.

Tom. II.

G

In.

Inter utrumque volat dubiis Victoria pennis.

Talis profecto ea est, quam in hac Lucerna expressam videmus, in neutram partem inclinata, *nudo praeterea suspensa pede*, ut ait Prudentius contra Symmachum Lib. 11. globoque insistens, ut suum versatilem, ac volubilem statum indicaret; atque ut orbis dominam, *omniumque superatricem*, ut eam appellat Orpheus in ejus hymno, sese ostenderet.

Hanc propemodum Victoriae effigiem describit Apulejus L. 11. *Metam.* *Atria longe pulcherrima columnis quadrifariam per singulos angulos stantibus attollebant statuas Palmaris Deae; facies quaque pinnis explicitis sine gressu pilae volubilis, instabile vestigium plantis roscidis decitantes, nec ut maneant inbaerent, & jam volare creduntur.*

L X X V I I I.

VICTORIA CUM SYMBOLIS.

Victoriam novi anni auspiciatissimum numen, & officiis omnibus, quae tunc exordium sumebant, felix initium facturam in altera Lucerna symbolis ornatissima volumine priore ostendimus. Idem forte argumentum respicit Lucerna praefens, quae pluribus ex iisdem parergis, quibus ea Lucerna decoratur, ornata est; glande nempe, symbolo diuturnitatis; laurea, quam foribus suspendebant; denario demum Romae capite insignito; de quibus nihil dicendum restat, quum omnia fere in notis ad dictam Lucernam expenderimus.

L X X I X.

VICTORIA INTER CAPTIVOS.

Quum Romae triumphorum solemnia celebrarentur, artifices quoque in suis operibus ipsa communis laetitia signa exprimere consueverunt, videlicet ipso populi genio sese undique manifestante; proinde mirum non est, si tam obvia Victoriarum testimonia in minutulis hisce

coctilibus, imo in lateribus, & tegulis reperiantur. ⁵¹ Quid vero non tentasse Romam prae gaudio gestientem opinabimur, quando Daciae Victoriae, omnium celeberrimae, gaudia celebrabantur? quum vel in pluribus ex Lucernis Musei nostri illius festivitatis non obscura signa deprehendantur. Huc, ut puto, referenda est praefens Lucerna, ubi gemini ejus gentis captivi expressi cernuntur, eo fere habitu, quo marmorei illi, qui ex arcu Trajani, unde basilica ejus claudebatur, una cum praecipuis ornamentis in arcum Constantini Magni translati fuerunt.

Media Victoria raro sane exemplo nullam coronam profert, sed utraque manu geminam sustinet palmam. Ita fortasse repetita felicibus praeliis maximae illius expeditionis tropaea indicata sunt; seu potius duplici ea palma cuncta terrarum optimi Principis victoriis plena indicantur; eodem prorsus modo, quo Augustus, ut pacem universo orbi impertitam significaret, globum in nummis signavit inter duos olivae ramos consistentem, uti recte observavit Bonarrotius ad nummum Probi v. *Musei Carpinei*.

L X X X.

VICTORIA TRAJANI.

SEquentes Victoriae Caesarum characteribus insigniuntur, quarum prima *Traiani* nomine nobilitatur. Inde ex iis illam esse putamus, quae vel ad urbem illuminandam, occasione Daciae Victoriae, vel ad universi populi genium formatae sunt.

Victoriae eo gestu pingebantur, quo omnia pene triumphii officia, & partes exprimerent. Bigas quandoque, & quadrigas ducunt, ut in nummis, toreumatis, atque gemmis. Triumphantes coronant, captivos calcant, spolia gerunt, sacrificia pro felici rei eventu peragunt, taurum immolant, vota nuncupant, clypeos denique victoris nomine insignitos attollunt. Mos rerum, virorumque illustrium monumenta clypeis positis celebrandi traditur a Plinio Lib. xxxv. c. 3. & pluribus illustratur a Bonarrotio ad *Tom. II.*

G 2

Num-

52
Nummus 3. Antonini Pii *Musei Carpinei*. Exempla vero plurima nummi suppeditant, in quibus *Victoriae* clypeis titulos inscribentes adnotantur.

LXXXI. LXXXII.

VICTORIAE CUM CLYPEO.

Votorum Quinquennialium, ac Decennialium originem repetit Dio Lib. 53. ab Augusti temporibus: quum enim ille septimo suo Consulatu de Imperio dimittendo in Senatu egisset, Senatu vero reluctante, in decennium prorogatum Imperium illi fuisset, inde in quinquennium, iterumque in aliud; factum est, ut singulis quibusque quinquenniis vota pro Principis, atque Imperii incolumitate susciperentur, iterumque suscepta solverentur. Additque idem scriptor ad suam usque aetatem (floruit sub Alexandro Severo) adhuc morem illum viguisse.

Vota Quinquennialia Antonini, quae tab. LXXXI. memorantur, si suscepta esse intelligamus, ad Imperii sunt referenda initium, nempe ad ann. Urbis 891; si vero soluta, quum Decennialia susciperentur, ad annum 895. Torquato, & Herode Attico *Coss.*

Hoc Votorum monumentum attollunt geminae *Victoriae*; quum enim, uti priori volumine, atque hic rursus observavimus, *Victoriae*, tanquam numini faustissimo, rerum exordia, & annorum initia tribuerentur, eadem ratione primordia quinquennii illi dedicata fuerunt.

Vota suscepta pro alicujus Imperatoris incolumitate memorat Lucerna tab. LXXXI. 1., quae fortasse ex iis est, quae ad Urbem exornandam in ea celebritate formabantur: neque futilem fortasse temporis conjecturam deducimus a subscriptione figulinae MAXIM, rudi stilo exarata, quae Maximiani Aug. nomen indicare potest, cujus aetatem, atque inclinatam jam sculpturae elegantiam testatur Lucernae minus elegans artificium.

LXXXIII.

L X X X I I I.

VICTORIA IN CORONA QUERNA.

TAbula haec vitrea unius fere palmi altitudine conspiciua eo utique pretiosior, quo integrior ad hanc usque aetatem pervenit. Decidit tantummodo ex ea extimus ille picturae cultus, quo, ut puto, decorabatur: namque universa illius superficies ita scabra, & rudiuscula superest, ut aliquid excidisse omnino evincatur. Non pauca ejusdem materiae confracta opificia ad manus meas pervenerunt, ex quibus tota exterior facies aufugerat, quae vividioribus coloribus, ad venustatem operi comparandam, exculta erat. Ex quo suspicari licet non omnia vitrea opera encaustice depingi consuevisse; illa enim, quamvis confracta, colorem constantissime retinent; sed multa etiam, remoto igne, viliori quodam pigmento ornata fuisse, quod temporum injuria nequaquam resisteret. Id & in Lucernarum rubrica frequenter observamus, subsistente adhuc in plurimis, ut perfricando vividior rubescat, fugiente in aliis, & quae penitus lota evanescat.

Ansulae utrinque perforatae clare evincunt usum hujus tabellae fuisse, ut alicui sacrae aedi, veluti anathema votivum suffigeretur. Notae vero AA. NN. Victoriā aliquam duorum Principum una imperantium forte indicant, pro cujus felici eventu miles aliquis, aut cliens vota nuncupaverat: cujus officii exempla etiam in marmoribus occurrunt. Quorum autem Augustorum hic mentio fiat, obscurum. Urgent plura, ut credam in hac Lucerna fortasse M. Aurelii, & L. Veri Victoriā aliquam designari: siquidem in eorum nummo majoris moduli *Musei Carpinei*, in cujus antica Augustorum fratrum capita conspiciuntur, in postica Victoria gradiens cernitur, cum titulo *Victoriae Augustorum*. Spolia barbarica sunt, sed Britannica ne sint, an Germanica, an Partica, vel Armeniaca, asserere non auisim. Non defunt, qui tabellam hanc ad posteriora tempora referendam putaverint, quod formula illa *Augustorum No-*
stro-

Arorum, potius tertii seculi Imperatoribus attributa sit. Verum, pace illorum dixerim, parum callere antiquitates illi mihi videntur; jam tum enim a Domitiani aevo solemnis erat haec formula, ut ex figlinis constat à Fabretto relatis *Inscr. Antiq.* cap. VII. n. 82. & seqq. Et ne Domesticas Lucernas in testimonium adducere praetermittamus, harum in una expresse legitur.

ANTONINI
A. N.... TIBE

In alia vero

VOTA V
ANTONINI
A. N.

LXXXIV.

VICTORIAE LAUREAM SUSTINENTES.

Ingentem coronam hinc inde Victoriae sustinent, sed quae minime capiti prae ipsius mole aptari posset, & ad magnificentiae potius ostentationem vel in pompis perferretur, vel in aedibus suspenderetur. De coronis hujusmodi meminit Juvenalis *Sat.* x. v. 39.

..... magnaque coronae

Tantum orbem, quanto cervix non sufficit ulla.

Et Festus: Donaticae coronae dictae, quod his victores in ludis donabantur, quae postea magnificentiae causa institutae sunt super modum aptarum capitibus, quali amplitudine sunt, quum lares ornantur.

LXXXV.

VICTORIAE CANDELABRUM CORONANTES.

Victorias omnia triumphorum munia obeuntes supra animadvertimus; & frequentius etiam sequenti volumine adnotabimus. En ipsas vota pro sui exitu suscepta sol-

solventes quum ardenti candelabro adstantes ferta inde suspendunt. Frequentèr hic typus in veterum toreumatis, praesertim vero Templorum zophoris observatur. Usus aris ferta suspendendi indicat Virgilius *Aen.* 1. v. 420.

.....centumque Sabaeo

Tbure calent arae, fertsisque recentibus balant.

L X X X V I.

VICTORIAE TROPÆUM STATUENTES.

Consueverunt Duces e bello reduces spolia ex hostibus relata offerre Diis, quorum auspiciis rei bene gestae exitum referebant. Id enim idem erat, ac de primitiis belli Diis sacrificare, uti notat Servius *Aen.* xi. vers. 6. quo in loco poeta describit hujusmodi tropaeum, quod de Mezentii armis Aeneas constituit. Quae quidem religio adeo universalis fuit, ut omnium populorum exemplis facile comprobetur, praesertim vero orientalium ex Divinae Scripturae testimoniis. Quam vero frequens fuerit apud Romanos id religionis argumentum ostendunt passim Scriptorum libri, & exstantia marmorum monumenta, in quibus nihil frequentius hoc symbolo, praecipue in Urbe, ubi triumphus obvii, & Victoria familiaris; multoque magis in aula Palatina non ita pridem Romae detecta, cujus ornamenta marmorea, quae non resistenti lapidi insculpta, sed cedente ex cera efformata videbantur, Victórias tropaea silentes continebant.

Porro Victórias ipsas tropaea statuantes antiqui finxerunt, ut indicarent eadem non sine belli discrimine fuisse parata, quae ipse belli terminus Victoria pararet. Praeterea quum Deos sacrificantium habitu plerumque exhiberent, ut toties adnotavimus, quod haec forma putaretur augustior, ac Deo dignior, Victórias taurum immolantes, ac tropaea statuantes libentissime repraesentarunt.

LXXXVII.

L X X X V I I.

VICOTRIAE THUS ADOLENTES.

PLurimos sacrificantis Victoriae typos occurrere memoravimus, nempe taurum ferientis, ut in antiquo marmore apud Jacobum Barotium *Element. Architect.* ; & patera libantis apud Fabretum *Colum. Trajan. Cap. x.* Seta ex candelabro suspendit in superiori Lucerna, & in eodem marmore apud Barotium ; thure denique supplicat in hac, & in sequenti toreumate votivo.

Forma thus adolendi ea ferme est, quam describit Ovidius *Fast. 11.*

Et digitis tria thura tribus sub limine ponit.

et Laetantius Firmianus *Lib. 1. c. 5.* *Nam cruciari, atque interfici malle, quam thura tribus digitis comprehensa in focum jactare.*

L X X X I I I.

VICTORIAE IN ZOPHORO VITREO.

TOreuma hoc vitreum trium fere palmorum longitudinis pro zophoro alicujus aediculae, ut videtur, conflatum, cruditorum omnium, imo & artificum peritissimorum ingenia contorsit. Ignoto namque artificio ductum est ; exultant nempe undequaque folia, & sursum repanda, subtus hiant ; praeterea ^{Φυλλα} quaedam ita in arcum in ferne cavata assurgunt, ut penitus pervia sint, solido tamen opere, ita ut nihil prorsus applicitum postea fuerit, nihil rursum appositum, atque igne concretum.

Inter eminentes, & circumflexos acanthos, qua rosae, seu flores in aliis parent, protomes duae militarium Deorum conspiciuntur ; Bellonae praefertim, sive Palladis, cujus galeatum caput extrinsecus eminet, avulso interim altero, quo loricati hominis effigies, Martis fortasse, aut alicujus ex Imperatoribus, referebatur. De vitreis hisce
or-

ornamentis plura superiori Libro differuimus.

57

L X X X I X.

T R O P A E U M.

EXstruſto tropaeo, alligati hinc inde captivi jacent proſtrati, quales in nummis ſaepe obſervantur, praefertim ſecundi, & tertii ſaeculi; quae potiſſimum arcuum triumphalium inſignia erant. Hinc Juvenalis *Sat. x.*

..... *ſummo triftis captivus in arcu.*

X C.

LUCERNAE TRIUMPHALES.

Lucernis victoriatis ſubdimus triumphales, illas, inquam, quae ita aptatae ſunt, ut aedium abacis quam commodiſſime applicarentur, quum urbis viae in illis celebratibus per noctes illuminarentur, de quibus plura notavimus in Prolegomenis. Ex eo genere quam plurimae apud me aſſervantur, forma, & ornamentis diverſae, nec ſine voluptate ſpectandae; ex quibus unam tantum ſelegimus feſtiva illa acclamatione exſtantibus literis inſignita: *Io triumphe*. De hujusmodi acclamatione haec habet Varro de *L. L. lib. v. Triumphare appellatum, quod cum Imperatore milites redeuntes clamitant per urbem in Capitolium eunti, Io triumphe, Io. Idque a *Θιουμπος* Graeco, Liberi Patris cognomento poteſt dictum eſſe*. Unde apparet hujus formulae etymologiam Romae ignoratam, in qua vel ipſe Romanorum doctiſſimus dubitanter verſatur. Si cum illo ſas eſt ſuſpicionem meam conferre, haud crediderim ab orgiis dictionem illam ad triumphos conceſſiſſe; his enim nihil commune cum Baccho. Putarim potiſſus ab Etruria arceſſitam; unde diſciplina militaris, & pleraque Imperatorum ornamenta petita ſunt, veteremque manſiſſe caerimoniam, etſi lingua illa in deſuetudinem abierit, nemoque jam amplius Etruſcas voces intelligeret. Ea vero acclamatio in Imperato-

Tom. II. H rem

rem dirigebatur : *clamitant in Capitolium eunti* ; erat itaque fausta aliqua precatio , composita fortasse a *n^o lab* dominus , unde *Evoeb* , & *Evoab* , & *Teii* cognomen ; est enim *Tejus* quasi *Deus lab* . Quapropter mihi sacra illa conclamatio *Io Pacan* , idem est , ac *Deus Pacan* . Triumphum vero non a *triambo* dictum existimo , sed potius a *augere* , & *honestare* , & *n^o* ; numerus enim ternarius pro summo , & maximo plerumque positus . Quare , nisi *tailor* , *triumphus* idem sonat , ac *maxima honestatio* , & acclamatio , *Io triumpho* , *Deus ter augeat te* , vel *honestet te* .

Altera Lucerna , in qua expressus est titulus AA. NN. Augustorum nostrorum , minime singularis est , quum plures ex illis , licet antiquitatis injuria satis corruptae , ad manus meas pervenerint ; eoque titulo indicatam fuisse puto figulinam Augustorum : unam , inquam , ex plurimis illis , in quibus in usum Caesarei Palatii vasa minoris pretii formabantur ; nihil enim in hac Lucerna expressum est , quod honori Augustorum attribui possit , nisi ipsa Lucerna .

X C I.

HOMERUS CUM MUSA.

Romanis , Graecisque Diis Homerum adjunximus , quem templorum honore , ac divinitate fuisse decoratum refert Aelianus *Var. histor.* Lib. XIII. *Ptolemaeus Philopator* instructo templo , eoque Homero consecrato , collocavit eum pulcherrime sedentem , & circumcirca eas urbes , quae sibi Homerum vindicant , prope simulacrum posuit .

Homeri sedentis imaginem adstante Musa exhibuit Fabrettus in toreumate *ad Tabel. Iliod.* n. XI. quamquam fracto marmore brachium tantum Musae superfuerit . Idem vero argumentum in hac Lucerna contineri suadent in primis vultus lineamenta , quae minus feliciter imitatus est pictor ; ego vero , qui divinam illam formam ex marmoribus mente hauttam praesentem , ac veluti mihi obversantem habeo , coramque mihi semper videre videor , in hac Lucerna penitus agnosco expressam , quantum operis exilitas ,
&

& materiae humilitas patitur. Elucet enim plerumque in hac fictili supellectile perfectissimorum prototyporum imitatio, quae audacioribus lineamentis efficta, in ipsa operis negligentia exemplarium elegantiam exprimit, & maiestatem. Accedit etiam, ut Homero Lucernam hanc adjudicemus, non solum quod Musa stans volumen teneat, vatemque cogitabunda intueatur; verum etiam quod vates ipse sedens alterum volumen manu ostendat; quod & in duobus anaglyphis apud laudatum Fabretum observatur. Atque hinc solidissima mihi oritur ratio cur non assentiar Josepho Hebraeo, qui Lib. 1. *contra Apionem* ait: *neque Homerum literis suum poema reliquisse, sed cantibus memoria reservatum, postea fuisse compositum.*

Profecto non ea est divini poematis moles, ut, sine scripturae ope, intactum illud memoria custodire, atque ad nostra usque tempora, neutiquam labefactatum, deformatum, aut mancum, aut varianti lectione adulteratum transmittere potuisset. Ait insuper Aelianus *loco cit.* Lycurgum primo universam Homeri poësim in Graeciam ex Jonia attulisse, Pisistratum vero Iliada, & Odysseam conjunctim edidisse.

X C I.

PROTOMES TRIUM POETARUM.

Simulacra Deorum antiquissima in columellam hermarum more desinentia vidimus jam ante frequentissima fuisse in Graecia. Ita quoque familiare fuit Heroum, Philosophorum, & Poetarum imagines Graecis exprimere. Quibus ita redundavit antiqua Graecia, ut ex illius provinciae spoliis ubique magno numero ejusmodi imagines in Romanorum villis, atque tablinis servarentur. De his saepe meminit Cicero *ad Atticum* Lib. 1. ep. 7. *Hermæ tui Pentelici cum capitibus aeneis, de quibus ad me scripsisti, jam nunc admodum delectant.* Et Lib. eodem epist. 8. *Hermas, de quibus ad me scripsisti, vehementer expedo.* Ex his tria, quantum minuti operis angustia patitur, deprehenduntur in hac pereleganti Lucerna; horridula, brevique
Tom. II.

barba, quali cultu ut plurimum Graeca simulacra conspiciuntur. Singulis subjecta symbola, tibiurum, scenicae larvae, citharae, alterum ex epicis, ex comicis alterum, postremum ex tragicis forte indicat. Ex quibus pro suo quisque captu principem potest asserere; dummodo alterum ex his Homero locum tribuamus, cui uni tantum debet litteraria Respublica, quantum vix ceteris omnibus, qui e Scriptoribus Graecis nobis supersunt.

X C I I I.

GRAECORUM EX CLASSE DESCENSUS.

Homeri imagines monumenta quaedam Trojani belli subsequuntur; & primo quidem occurrit Graecorum e navibus exensus in Sigeo promontorio, adstante, atque obstupente Scamandri fluminis Deo, qui consueto more humi jacet. De hoc loco Strabo Lib xiiii. *Est enim statio navium ad Sigeum; prope etiam Scamandri sunt ostia xx. ab Illo stadiis.* Primam ex Graecorum navibus, quae ad litus appulsa fuerit, Diogenes Cretensis hist. belli Trojani Lib. ii. tradit Protefilai fuisse, qui a Trojanis in ipso navium appulsu vulneratus interiit. Quum vero Graecorum exensum illi frustra impedire tentassent, ac postremo fugati fuissent, Graeci subductas naves, atque in ordine positas tuto collocant. Idem refert Ovidius *Met.* xii.

..... *Heleora primus fataliter basta
Protesilae cadis.*

Naves Graecorum haud procul ipse Scamander intuetur.

C X I V.

GRAECUS EX BIGA PUGNANS.

Bigae instans alter e Graecis ducibus in bellum procedit. Clypeus illi ingens, atque rotundus ex iis est, quos Argolicos vocant, quibusque bello Trojano depugnatum est, ut probavit Cl. Blanchinus in notis ad monu-

numenta Civitatis Urbini Cap. x. Eo etiam scutorum genere Etruscos usos fuisse constat ex toreumatis earum gentium, in quibus certamina tali armatura pugnantur.

Lancea praegrandi cuspidē instructa manifeste apparet. Tales Rutulorum hastas fuisse describit Virgilius *Aen.* xii.

..... *bigis is Turnus in albis*

Bina manu lato crispans bastilia ferro.

Heroas autem e biga pugnasse, non vero ex equo, satis superque ex Homero constat, quanquam Quintus Smirneus *Ilapadur.* A. dicat Penthesileam in eo bello ex equo pugnasse, unde ab Achille sauciata dejecta fuit.

X C V.

HEROS CUM NIMBO IN BIGA.

E Legantissimum hoc marmoreum toreuma, pedum quatuor altitudine, eximii artificis opus elaboratissimum, fragmentum est ingentis urnae, quod, in agro Calibannensi secundo ab hinc lapide effossum, diu in Gozzeorum villa asservatum est, unde domum meam jam decennium concessit. Heroem refert Graeco cultu, atque armis instructum, & ocreatum, quales describit Graecos Homerus, a quo illi frequenter *αοκρεαται*, bene ocreati appellantur. Quod autem in eo animadversione dignissimum est, ambit Herois caput circulus quidam (quem nimbum vocant) minime dubius, aut obscurus, sed exstans, & satis conspicuus, quo ejus divinitatem sculptor studuit explicare.

Nimbus ille non ex velo constat, ut ille, quem in capite Scamandri fluminis animadvertit Fabrettus *ad sub. Iliac.* num. 58. & cap. ix. *Columnae Trajanae* pag. 303., sed solidus, & ubique aequalis, ut ipsum ex capite egrediens jubar explicaret. Hoc divinitatis insigne sapius memoravit Servius, ut *Aeneidos* ii. v. 615. & *Aeneidos* iii. v. 587. ubi illud nuncupavit *lucem divinam*, & *fulgidum lumen*, quo *Deorum capita cinguntur*. Quod etiam Imperatoribus, & Regibus attributum dicit *Aeneidos* iii. v. 585. *Proprie nimbus est, quo Deorum, vel Imperantium*

tium

tium capita, quasi clara nebula, ambire fingitur.

A veritate fortasse non aberraverim, si hic Achillem Hectora rapantem expressum fuisse dixerō; non enim aspicit ante, quod pugnantum est, sed retrorsum sese convertit, quo defuncto cadaveri, & Priamo e Trojae moenibus spectanti illuderet, dum illud circa Patrocli tumulum raparet. Ita fere expressus est idem Achilles curriculo insidens in illo celeberrimo anaglypho, quod in ambone Arae caeli inclusum est, quod pariter vulgavit laudatus Fabrettus.

Sane Achilli nimbus attributus est, propterea quod Deae filius erat. Hinc Juno apud Homerum *Iliados* ω.

..... *ceterum Achilles est Deae proles:*

atque idem Homerus frequenter appellat *Divum*; eoque mortuo templum illi, & sacra in Sigeo constituta sunt, ut tradit Strabo. Servius quoque *Aeneid.* 111. v. 332. ait: *Pyrrbus occiso patre in templo Apollinis Tymbraei, reversus ad Patriam in numinis insultationem in templo ejus Delphico aras patri constituit, & illic ei caepit sacrificare:* In Leuce praeterea Euxini insula, quae Achilli sacra erat, ejus delubrum, & simulacrum memorat Pausanias in *Laconicis*. Alterum ejusdem templum inter Spartam, & Arcadiae fines refert ibidem, quod recludi religio vetabat. Alterum porro ejus templum fuisse prope Brasias narrat eodem libro, ubi solemnes ludos in ejus honorem fieri solitos tradit: in *Corinthiacis* vero divinos eidem honores attributos apud Poemenaeos recenset. Demum ait a puberibus, qui in plataneum pugnaturo descendebant, Achilli ante pugnam rem divinam fieri; ejus denique apotheosin observamus apud Q. Smyrnaeum *Περσεύων*. Δ. v. 695. ubi Neptunus Thetidem his verbis alloquitur:

*Non enim hic cum Manibus inferis, sed cum Diis deget,
Sed mox ad lucidas caeli sedes evebetur.*

*Atque ego ipse muneris loco caram Diis insulam tradam
Ad Pontum Euxinum, ubi pro Deo babebitur perpetuo.*

X C V I.

GRAECI, ET TROJANI PUGNANTES.

Graecus, & Trojanus in hac Lucerna pugnautes ex vario suae gentis cultu dignoscuntur : nam Graecus insigni galea protectus est ; Trojanus vero pileo Phrygio, quem etiam inter pugnandum gestasse, vel ex hoc uno monimento colligimus. Fortasse aere, vel ferro tunc constabat, ac retorto in anticam partem apice pileum paganicum simulabat, ut etiam in bello illud insigne retinerent, quod ideo forsitan ipsis augustum erat, ac boni ominis, quia illo Atys patrius Deus ornari consuevisset. Hanc galeae formam, quae Phrygium pileum imitatur, in Italicis nummis frequenter observamus.

X C V I I.

PENTHESILEA DEFICIENS.

AD belli Trojani historiam pertinet Penthesileae factum, quod graphice describit Quintus Smyrnaeus

Πενθεσίλεια, Α.

*Grandem e manu bipennem dimittit, moxque ei circum
Oculos tenebris inborrescit, & pectus.....*

Compositae cadens ad terram, nec pudor

Formosum corpus dedecorat.

Jacet sub pedibus vacua cassis, quam ab ipsa jam mortua detraxit Achilles. Ita idem auctor.

Eique de capite detraxis cassidem micantem.

Pone vero gladius, quem jam vulnerata, & deficiens educere cogitabat, ne ab Achille iterum confoderetur.

Ergo deliberavit utrum manu educto ingenti gladio

Exspectaret rapidi Achillis impetum venientis.

Trojanorum legatus ex iis, qui ad repetendum illius cadaver ad Graecos missi fuerant a Priamo, Phrygio habitu insignis defunctae cadaver a terra elevat. Ita idem Poeta circa libri finem.

Ca-

Caeterum misericordia prosequuti illustrem Penthesileam Imperatores Atridae, quam & ipsi demirabantur, Trojanis reddiderunt ad urbem magnifici Ilii auferendam Cum armis suis, quum de Priami voluntate cognovissent Legationem mittentis; is enim animo suo destinavit Puellam magnanimam una cum armis, & equo

In magnificum opulenti Laomedontis tumulum inferre etc.

Hoc toreuma, quod Quinti narrationi omnino respondet, discrepat aliquantum a Panaei pictura, quam in cancelis templi Jovis Elei describit Pausanias *Eliac. prior. Penthesilea animam agens, eam sustinente Achille*. Certe hic, non Graecus, sed Phrygius homo repraesentatur. Neuter tamen pictorum erravit. Panaeus quidem Achillem inducit Amazonem sustinentem, quum pietate, & amore commotus ejus morte contristatus est. Ita Quintus loco citato.

..... *At Pelei filius valde contristabatur*

Delectabilem puellae speciem in pulvere contuens.

Sigillator vero noster Penthesileam a Trojano Legato elatam refert.

X C V I I I.

DIOMEDES, ET ULISSES DE PALLADIO DISCEPTANTES.

Palladii furtum a Diomede, & Uliße patratum describit Virgilius *Aeneid. 11. v. 163.*

..... *impious ex quo*

Tydidēs sed enim, scelerumque inventor Ulixes

Fatale adgressi sacro avellere templo

Palladium, caesis summae custodibus arcis,

Corripuere sacram effigiem, manibusque cruentis

Virgineas ausi divinae contingere vistas.

Diomedes repraesentatur hic, qualis in antiquis gemmis saepius exprimitur, stricto gladio, quasi pro Palladio dimicans. Ulißes vero, qui cogitabundus coram adstat, fabellae forte alludit, quam ex Allatio narrat Fabrettus *ad tabul. Iliad. 365. de subdolo Ulißis ausu, qui,*
locio

socio perempto , se magni ejus facinoris auctorem ostentare meditabatur , quo tamen a Diomede cognito , gladio educto , socii dolum elusit .

X C I X.

HEROS PALLADI SACRIFICANS.

G Raecus Heros in hac Lucerna Palladi sacra facit , statuta coram diota , quae cum apos sit , humili tripodi infixa sustinetur . De hoc peculiari instrumento ad hujuscemodi vasa constituenda pluribus egit Cl. Gorius in praefatione ad Inscriptiones Donianas pag. 82. , & pag. 88. , & 89. ubi tripodes hos ex ligno , auro , & argento factos refert . Unum ex iis adhuc exstantem consumatissimi operis ex marmore vidi Romae , pene neglectum in villa Peretta . Ratio , cur haec vasa inferne acuminata fingerentur , ea fuit , ut ita facilius humi in scobe defixa consisterent . Alia tamen ex religione petita ratio in causa fuit , cur eo modo terminarentur ; quum enim frequenter haec vasa in sacrificiis , ut in hac Lucerna , adhiberi solerent ; ita inferne acuebantur , ut inter sacra terram minime contingerent . Ita Gyraldus *Syntag. Deor.* xvii. qui postquam retulit Romanos in sacris aqua fontis Juturnae , sicut Athenienses Callirhoe , usos fuisse ; eam vero aquam super terram posuisse piaculum , & triste omen esse ; ideo vas lato ore , & fundo angusto , in quo hauriretur , ne stare posset in sacris , adhibitum fuisse tradit : quod vas Donatus , & Servius 11. *Aeneid.* *futile* vocant , & Lactantius in *Thebuid.* *Futile* , *vas est quoddam , lato ore , fundo angusto , quo utebantur in sacris Deae Vestae , quia aqua ad sacra in terra non ponebatur , quod si factum esset , piaculum erat .*

C.

ULYSSES VENTOS INCLUDENS.

Refertur hic ea fabella, quam Homerus *Odys.* K. recenſet de Ulyſſe ad Aeoliam appulſo, quo in loco, ab Aeolo ventorum Rege hospitaliter exceptus, adverſos ſuae navigationi ventos utre inclufos accepit.

*Sed quando certe ego iter poſtulabam, atque admonebam
Dimittere, nihil quidquam ille abnuſit, paravit autem
deductionem,*

*Dedit autem mihi excoriatum utrem bovis novennis,
In quo procelloſorum ventorum ligavit flatus.*

*Illum enim promum ventorum fecit Saturnius,
Aut quidem mulcere, aut tollere quemcumque velit.
Nave in cava alligavit funiculo ſplendido
Argenteo, ut non quidquā praeterflaret, ne paululum quidem.*

C I.

ORESTES FURIIS AGITATUS.

Oreſtes hic repraeſentatur, ſtriſto gladio, poſt matris Clytemneſtrae, & Aegiſthi ejus proci caedem a Furiis apprehenſus, & exagitatus, quarum quidem cruciatus non prius evalſit, quam in Areopago indiſto die abſolutus, atque expiatus fuit. Alii tamen ejus caſum aliter ſcribunt; qua de re videri poſſunt Euripides in *Oreſte*, & Servius *Aeneid.* 11. v. 116. Sane improprie a Furiis Oreſtem exagitatum tradunt Poetae, quos inter Virgilius *Aeneid.* 111. 331.

..... ſcelerum Furiis agitatus Oreſtes;
quum proprie Dirarum officium hoc eſſet, quae duae numero erant, quot in hac Lucerna referuntur: niſi mavis Furiarum nomen generale eſſe, atque triplex illud genus Dearum ulterius continere, caeleſtium nempe, quae Dirae; terreſtrium, quae Erinnyes; infernarum denique, quae Eume-

Eumenides appellantur, uti tradit Servius in *III. IV.*, & *XII. Aeneidos*: quod etiam dudum docuerat Cicero *III. de Natura Deorum*. In terris Furiae, in caelo Dirae, apud Inferos Eumenides. Caelestes vero duas esse tradidit Virgilius praedicto Lib. *XII. v. 845.*

*Dicuntur geminae pestes cognomine Dirae,
Quas & Tartaream Nox intempesta Megaeram
Uno eodemque tulit partu, paribusque revinxit
Serpentum spiris, ventosasque addidit alas.
Hae Jovis ad solium, saevique in limine regis
Apparent, acuuntque metum mortalibus aegris.*

Orestis fata Romanae religioni neque aliena, neque fuerunt peregrina: Habuit quanquam Graecus quod conferret Romanae magnitudini, & Phrygum posterius conservationem suam Agamemnonis filio se debere profitebantur, quippe illius ossa *Aritia* Romam translata sunt, & condita ante templum Saturni, quod est ante clivum Capitolinum juxta Concordiae templum; uti Servius tradit *Aeneid. II. v. 116.* Rursus vero Lib. *VII. v. 188.* ejus cineres scribit inter Romani Imperii pignora fuisse habitos. Septem fuerunt paria, quae Romanum Imperium tenerent: acus matris Deum; quadruga filialis Vejorum; cineres Orestis; sceptrum Priami; velum Ithonae; Palladium; ancilia. Haec tamen Romanae fortunae vadimonia in eo ambitu Romae quadratae, quae in Palatino erat, in summa sacra via post Titi arcum servata fuisse contendit Cl. Blanchinius in notis ad *Palat. Caesar.*: Doctissimi viri sententia testimonio etiam Varronis de *L. L. Lib. IV.* fulciri posset. Cum Coelio conjunctae Carinae, sed inter eas, quem locum Ceroliensem appellatum apparet, quod primae regionis quartum sacrarium scriptum sic est. Ceroliensis quarticeps circa Minervium: quae in Coelium montem itur, in tabernola est. Ceroliensis a carinarum junctura dictus Carinae: postea Cerionia, quod hinc oritur caput sacrae viae. Ceronius vero ab antiqua voce Cerus dictus est quae in veteri Italica lingua Sacrum significabat, ut in *Acherontico* comprobavi. Sed Orestis cineres me in Palatium abduxerunt, ubi memoria ruderum Augustalium, quae me quadriennio fere tanta cum voluptate

detinuerunt , propositum argumentum pene ex animo deturbaverant .

Peculiari observatione digna est Lucernae hujus subscriptio , quae non tantum eo characteris genere , quod nunc *corsivo* appellant , sed nexibus etiam adhibitis , quibus litterae literis haerent , obsignata est . Adeo verum est , moris hujus originem ab ipsis veterum Romanorum temporibus repetendam esse .

C I I.

THESEI CUM EURYTO PUGNA.

Percelebris est Centaurorum cum Lapithis rixa , quae in Pirithoi , & Hippodamiae nuptiis contigit : quum enim vino ferinum illud genus incaluisse , unus ex his Eurytus in novam nuptam impudenter impetum fecit ; at a Theseo cum ceteris Lapitharum repulsi Centauri , pene omnes interemti sunt . Sic ille apud Ovidium *Met. xii. v. 227. .*

..... quae te vecordia , Theseus ,
Euryte , pulsas , ait ; qui me vivente laceffas
Pirithoum ?

Hoc Thesei facinus in ejus templo depictum describit . Pausanias in *Achaicis* . *Pugna erat Centaurorum , & Lapitharum , ubi Theseus Centaurum occidens spectabatur .* Quam tamen pugnam alibi caelatam referens *Lib. v. ait : Theseum bipenni Centauros obtruncasse .*

C I I I.

HEROS CUM MULIERE DISSERENS.

Fortasse fabula , quae hic notatur ad Ulysssem pertinet , quum naufragus , atque nudus in Scheriae litore a Nauficaa proditus , cum illa colloquium habuit , atque ipsam Patris sui Alcinoi aedes describentem observabat . Sic *Homerus Odyss. Z. Ulysses fessus columnae innixus est .*
Graeci

Graeci quidem, & Phaeaces columellas in hunc usum aptas habebant. Itaque ibidem Nauficaa matris suae exercitia describens ait:

*Pensum versat purpureum, mirabile visu,
Columnae recubens.*

Lira, quae e columella dependet, ad Nauficaam pertinet, quae paulo ante, quam Ulißemprehenderet,

..... *incoepit cantilenam,*
ut ibidem tradit Homerus.

C I V.

OEDIPUS CUM SPHINGE.

O Edipi aenigma Sphingis solventis tabulam recitat Apollodorus *Bibl. L. 3. p. 99.* cuius locum pro Lucernae nostrae illustratione exscripsisse sufficiat. *Juno Sphingem ex Esbida, & Typhone parentibus ortam immisit. Haec muliebri facie, pectore, pedibusque, ac cauda leonis, & avis pennis praedita fuit. Quae quum a Musis aenigmata didicisset in Phyeo monte consedit: de quibus id unum Thebanis proponere solebat, quod est huiusmodi; quodnam esset id animal, quod una habet vocem, & quadrupes, bipes, ac demum tripes nascitur. Ad haec Thebanis oraculo renuntiatum fuerat, jam tum Sphingis incommodo, ac detrimento liberos fore, quandoque id aenigmatum, vel in unum saepe numero coeuntes, solvissent. Quid illud esset quaerebat; quod, quum minime reperirent, abreptum ex omnibus, unum devorabat: eaque de causa plerique subinde peribant. Ac postremo ad eum modum Aemone Creontis filio perempto Creon aenigma homini soluturo, & regnum, & Laii uxorem se traditurum praekonis voce renuntiari jubet. Quod ubi ad Oedipi aures pervenit, ipse ita solvit, quod a Sphinge proponitur, aenigma: hominem esse ait; nascitur enim quadrupes infans, quod quatuor gradatur membris, grandior autem effectus homo, bipes esse incipit; senescens vero, ac demum tertio assumpto pede, idest scipione, tripes dici potest. Ipsa igitur Sphinx ex arce sese precipitem dedit, Oedipus idem regnum accipit.*

Sphin-

Sphingem marmoream eximii operis, & inolis asservamus in nostro Museo. In qua observatione digna est armilla, qua collum exornatur, ex balaustris efformata, qualem Dianae quoque Ephesiae veteres attribuerunt. Asservabatur ista in cavedio nobilium Santinelliorum, una cum tigride illa marmorea, quam ex Bacchei ruinis erutam demonstravit praeclarissimus Oliverius meus in notis ad *Marmora Pisauensis*. Credibile est Sphingis etiam simulacrum ex ejusdem templi rudibus prodiiisse, quum inter donaria Diis offerri solita, etiam monstrorum imagines extitisse comprobent chimaera, griphus, & alia hujusmodi simulacra, quae adjecta dedicationis nota Etruscis literis exarata inter pretiosiora antiquitatis monumenta computantur. Erant praeterea monstra haec divino sanguine progenita, praesertim Sphinx quae ex Orthro & Chimaera progenita genus suum a Tartaro deducebat.

Utinam tot alia antiquae Pisauensis magnificentiae monumenta, quae festinanter nimis e terra prodierunt, tempora tua expectassent FRIDERICE Princeps amplissime; non enim doleremus tantam scriptorum Marmorum copiam in ipsis murorum substructionibus tumultuario opere congestam, aeternum periisse; credo enim regalem illum Genium tuum qui publico literarum bono natus est, eximia illa veteris magnitudinis nostrae testimonia fuisse excepturum iisdem munificentiae subsidiis, quibus humilem hanc testarum suppellectilem contovisti. Si tamen majora interierunt, utantur saltem clementia tua, quae prodeunt etate nostra, atque laetentur in tua tempora incidisse.



I N D E X R E R U M.

71

*Numeri Romani praefationis paginas indicant; arabici
vero notarum.*

A					
<i>Chilites</i>	62.	<i>Columbae Veneri sacra.</i>	16.		
<i>Ejus templum.</i>	<i>Ibid.</i>	<i>Causa mortis symbolum.</i>	13.		
<i>Aderendi mos antiquissimus.</i>	14.	<i>Veneri sacra.</i>	<i>Ibid.</i>		
<i>Aesculapio sacra serpens.</i>	44.	<i>Comi vera imago.</i>	42.		
<i>Aesculapio fustem apertum habet.</i>	45.	<i>Cornu paterium Etruscum.</i>	11.		
<i>Amphus Bacchi minister.</i>	34.	<i>Cornu gemmata.</i>	1.		
<i>Apollinis Genius.</i>	IX.	<i>Ingenis magnitudinis ad ostentationem.</i>	54.		
<i>Ara maxima.</i>	6.	<i>Crepulocoma quid.</i>	42.		
<i>Arae duae in sacris pluvium Deorum.</i>	14.	<i>Cupidini sacra Lepus.</i>	16.		
<i>Aris frita suspendi solita.</i>	51.	<i>Cupidinis imago.</i>	17.		
<i>Arctarius.</i>	25.	<i>Et Psiches raptus, mortis symbolum.</i>	<i>Ibid.</i>		
<i>Aries quomodo ageretur.</i>	26.	<i>Cybele duae aras habuit in sacris.</i>	14.		
<i>Auguri nostri appellatio quando in usu esset.</i>	54.	<i>Cyclopes; eorum nomina.</i>	29.		
B				D	
<i>Bacchus.</i>	33.	<i>Diana mater.</i>	V.		
<i>Bacchi coniux; illius nomen.</i>	33.	<i>Dis giganteae statua.</i>	47.		
<i>Orgia P. Orgia.</i>	33.	<i>Dromedus, et Ulysses Palladium furem.</i>	64.		
<i>Pompa.</i>	34.	<i>Diatra tripodi impositae.</i>	61.		
<i>Symbala.</i>	38.	<i>Cur acuminata fugerentur.</i>	<i>Ibid.</i>		
<i>Troepaeum.</i>	36.	<i>Dracon.</i>	67.		
<i>Baccho capra sacra.</i>	36.	E			
<i>Lervae trivatae.</i>	37.	<i>Ephippit <u>us</u> quando caperit.</i>	23.		
<i>Bacchus asperitocornus.</i>	37.	<i>Epulantes.</i>	46.		
<i>Idium.</i>	38.	<i>Equitum censis et transvectione.</i>	24. 25.		
<i>Corniger; cur ita effusus.</i>	38.	<i>Etrusca Lucerna in agro Tuderis inventa.</i>	11.		
<i>Lenaxa.</i>	38.	<i>Etrusci ubi clypeis rotundis.</i>	61.		
<i>Nobilitas.</i>	38.	F			
<i>Phantherius.</i>	38.	<i>Fata.</i>	43.		
<i>Ballae fustiles; eorum usus.</i>	38.	<i>Fanni.</i>	31.		
C		<i>Fanfa praetationes.</i>	IV. V. 32.		
<i>Calathus statuis cur additus.</i>	39.	<i>Figlina Pisaurenses.</i>	VL VII.		
<i>Callirhoes fons.</i>	43.	<i>Fortuna.</i>	42.		
<i>Capra sacra Baccho.</i>	37.	<i>Fortis nomen quam late pateat.</i>	66.		
<i>Capricornus.</i>	48.	<i>Facile vas.</i>	65.		
<i>Cariboginus nomen et styren.</i>	22.	G			
<i>Symbala.</i>	<i>Ibid.</i>	<i>Gabinus cinctus.</i>	VII.		
<i>Centaurorum cum Lapithis pugna.</i>	68.	<i>Genius sub serpentis specie cultus.</i>	43.		
<i>Crucula.</i>	27.	<i>Apollinis.</i>	IX.		
<i>Censis equitum differret a transvectione.</i>	25.	<i>Bacchi.</i>	32.		
<i>Cereris tributus calathus.</i>	3. 4.	<i>Drosum; audi sacrificant.</i>	3.		
<i>Cerinaria.</i>	11.	<i>Dumeficus.</i>	42.		
<i>Cervinus Cerus.</i>	67.	<i>Etrusci aperis.</i>	30.		
<i>Clypeus Argolici rotundi.</i>	60.	<i>Exercitus.</i>	21.		
<i>Ubi etiam Etrusci ubi.</i>	61.	<i>Berenis.</i>	11.		
<i>Pignit in bonorum clarorum vitarum.</i>	51.	<i>Mortis.</i>	21.		

I 2

Græc.

Gracorum ad Trojam appulsus.

H

Hercules duplici gemmis diademat.

Hecand-am literas docuit.

Hecellum invenit.

Hecageles.

Hecae *caz* ita dicitur.

Heculi nudo capite sacra fidebant.

Hecae laurus.

Heculi cultus apud Sigeontis.

Heculones.

Heculorum heremum.

Heculorum.

Heculorum *caz* ita efficit.Heculorum *caz* ita dicitur.Heculorum *caz* ita dicitur.Heculorum *caz* ita dicitur.Heculorum *caz* ita dicitur.Heculorum *caz* ita dicitur.Heculorum *caz* ita dicitur.

I

Ithylis.

Ithylis.

Ithylis *caz* ita dicitur.Ithylis *caz* ita dicitur.Ithylis *caz* ita dicitur.Ithylis *caz* ita dicitur.Ithylis *caz* ita dicitur.Ithylis *caz* ita dicitur.Ithylis *caz* ita dicitur.

L

Lapitharum & Centaearum pugna.

Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.Lapitharum *caz* ita dicitur.

M

Mares armatus.

60.

Gradivus, cur ita dicitur.

Mares *caz* ita dicitur.

19.

19.

21.

VIII.

9

6. 21.

N

Nimbus quid.

Achilli tributus.

Nuptiarum die currebantur jenne.

Sperguntur nives.

O

Oedipus sphynxle enigma solvit.

Orestis furia, & expulso.

Ossa Roma servata, & ubi.

Ossa Bacchi.

Ossa, eorum usus in expiationibus.

Bacchica.

P

Palladii furum.

Palmaria, Deo *caz* dicitur Villoria.

Paridis iudicium.

Paridis achrochitum.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

Paridis iudicium.

R

Remulus conditor.

Rudiarum.

S

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

Sacrificabant Romani velato capite, & cur.

19.

19.

21.

VIII.

9

6. 21.

17.

69.

67.

67.

31. 34. 36. 37. 40.

3.

37.

P

64.

49.

15.

11. 20. 67.

IX. 22.

61.

47.

47.

63.

VI. VII.

15. 47.

26.

39.

41.

38.

40.

60.

15.

R

19.

27.

S

8.

M.

67.

M.

3.

5.

4.

45.

5.

33. 36. 40.

60.

28.

24.

Ser.

<i>Seipens divinitatis symbolum.</i>	43.	V	
<i>Saluti & Asclepiadis tributus.</i>	44.	<i>Venus ab Horis coronata.</i>	12.
<i>Sileni.</i>	46.	<i>Comba excepta.</i>	13.
<i>Simulacra antiquissima.</i>	IX.	<i>Levator pluvie.</i>	14.
<i>Sphingis marmorea simulacrum.</i>	70.	<i>Veneri columbae sacrae.</i>	16.
<i>Strena.</i>	IV.	<i>Denobantur papae a nuptiis.</i>	19.
<i>Inter eas lauri folia.</i>	V.	<i>Veneris symbola.</i>	16.
		<i>Vesta duplex.</i>	VI.
		<i>C. Vihil Tribulant Aug. L. villa.</i>	IX.
		<i>Vistoria.</i>	42.
		<i>Anni novi auspicium.</i>	30.
		<i>Trojani.</i>	11.
		<i>Paimaris Dea dicta.</i>	46.
		<i>Sacrificans.</i>	56.
		<i>Qui modo piangebatur.</i>	51. 55.
		<i>Vitis centurionatus insignis ab Etruscis sum-</i>	
		<i>ta.</i>	87.
		<i>Vitis quomodo pingentur.</i>	53.
		<i>Vitrum operis admirabile.</i>	56.
		<i>Ulysses & Diomedes Palladium farrapiunt.</i>	64.
		<i>Ventes utribus includit.</i>	66.
		<i>Cum Naufica colloquitur.</i>	61.
		<i>Poterum quinquennialium & decennialium ori-</i>	
		<i>go.</i>	52.
		<i>Pulcrum symbola.</i>	53.
		<i>Pulcrum Jovi obsecratur.</i>	VIII.

	T
<i>Telephorus.</i>	45.
<i>Terminusia.</i>	40.
<i>Tibiscus.</i>	61.
<i>Tiboris adoleudi forma.</i>	56.
<i>Transoculis equitum & cresta male confundun-</i>	
<i>tur.</i>	251.
<i>Tripodes diutis suppositi.</i>	65.
<i>Lucretis suppositi.</i>	II.
<i>Triton Jovi junctus.</i>	VIII.
<i>In mortis caede.</i>	21.
<i>In Palladis galea.</i>	VIII.
<i>Triumphus stygion.</i>	57.
<i>Solemnitas in operibus etiam sibilibus ex-</i>	
<i>pressa.</i>	51.
<i>Trepata.</i>	55. 56.

Σ

5-25, 1935







